

廣雅疏義

廣雅疏義序

今海內治廣雅者三家一為盧先生文弼一為王先生念孫一為錢先生大昭馥幸得同遊素聞風旨者也錢先生之疏義先成請而讀之歎其精審當與邵先生爾雅正義並傳然治廣雅難于爾雅爾雅主釋經多正訓廣雅博及羣書多異義一爾雅有孫郭諸舊說廣雅惟曹音二爾雅為訓詁家徵引兼有陸氏釋文廣雅散見者少無善本可據三也此非專且久不易可了昔郭氏注爾雅十八年而成邵先生且二十年今先生遲之三十年始有稿本其為專且久不

已至乎馥從事說文蓋亦有年魯鈍未底于成於乎  
古人小學童而習之余乃白首紛如讀先生之書益  
加勩矣乾隆五十八年癸丑七月曲阜桂馥書于濟  
南潭西精舍

上廣雅表

博士臣捐言臣聞昔在周公續述唐虞宗翼文武克  
定四海勤相成王踐阼理政日昃不食坐而待旦德  
化宣流越裳徠貢周成王時周公輔政越裳氏重譯  
方遠國也詳謂傳言也道絕遠嘉禾貫桑叔得未  
風俗殊隔故累九譯而後通嘉禾貫桑叔得未  
異茲同類獻諸天子周公作嘉禾韓詩外傳  
云成王之時有三苗貫桑而嘉禾貫桑叔得未  
禮以導天下年樂記禮樂引鄭康成後稱公子宋著爾雅  
一篇以釋其義義利熙釋名云爾雅爾雅也  
正為主也宋周公作爾雅  
止有一卷後儒增益乃為三卷  
周公原本鄭康成五經之異言是七十子之徒身通  
孔子門人所作以釋六藝之異言是七十子之徒身通

六藝發明章句增成傳于後學歷載五百墳典散落

唯爾雅獨存禮三朝紀哀公曰寡人欲學小辯以觀

于政其可乎孔子曰爾雅以觀于古足以辯言矣大

禮記小辯篇云公曰不辯則何以為政子曰爾雅以

觀于古足以辯言矣此所云三朝記即小辯篇也

春秋元命包元命包春秋言子夏問夫子作春秋不以

初哉首基為始何是以知周公所造也率斯以降超

絕六國越秦踰楚爰暨帝劉魯人叔孫通撰置禮記

文不違古漢書叔孫通傳及稍定漢諸儀法皆通所

論著也案通薛人而此以為今俗所傳三篇爾雅或

言仲尼所增比補也序卦傳晉者進也進者遇也

類皆與雅訓相符或言子夏所益子夏所作儀禮喪  
是孔子有所增也皆與爾雅釋親相合或言叔孫通所補或言沛郡梁  
是子夏有所益也文所攷爾雅之文間有漢儒增如釋地八陵雁門  
南岳恒山為北岳泰山為東岳華山為西岳霍山為  
人謂之小嶺此即叔孫通梁文筆之用益者也秦皆  
解家所說先師口傳既無正驗聖人所言是故疑不  
能明也夫爾雅之為書也文約而義固其微道也精  
研而無誤真七經之檢度學問之階路儒林之稽素  
也郭璞爾雅序云夫爾雅者所以通詁訓之指歸叙  
詩人之興詠總絕代之難詞辨同寔而殊號者也  
試九流之津涉六藝之秘鍵學若其包羅天地綱紀  
覽者之潭奧摘翰者之華苑也人事權揆制度發百家之訓詁未能悉備也臣揖體

所藏學淺詞頑言無足取竊以所識擇揮羣藝文  
同義異音轉失讀八方殊語齊音楚語風氣攸殊積  
總而集之得其會通劉歆與楊雄書云採集先代絕  
言異國殊語郭璞方言序云考九服之逸言標六代  
之絕語類離詞之指韻明非途而同致是也庶物易名不在爾雅者詳錄  
品彙以著于篇凡萬八千一百五十文古謂之文今  
序云芬韻之初作書蓋依類象形故分為上中下以類  
謂之文其後形聲相益即謂之字方來俊哲洪秀偉彥之倫扣其兩端摘其過謬令得  
用緝亦所企想也臣捐誠惶誠恐頓首頓首死罪死  
罪

廣雅疏義目

卷第一

釋詁第一

卷第二

釋詁第二

卷第三

釋詁第三

卷第四

釋詁第四

卷第五



釋詁第一

卷第六

釋詁第一

卷第七

釋詁第一

卷第八

釋詁第一

卷第九

釋言第二

卷第十

釋言第二

卷第十一

釋訓第三

卷第十二

釋訓第三

釋親第四

卷第十三

釋宮第五

釋器第六

卷第十四

釋器第六

卷第十五

釋器第六

卷第十六

釋器第六

釋樂第七

卷第十七

釋天第八

卷第十八

釋天第八

釋地第九

釋土第十

釋山第十一

釋水第十二

卷第十九

釋艸第十三

釋木第十四

卷第二十

釋蟲第十五

釋魚第十六

釋鳥第十七

釋獸第十八

釋畜第十九

廣雅疏義卷第一

嘉定錢大昭誨之甫誤

廣雅卷一

隋經籍志廣雅三卷魏博士張揖撰梁有三卷又云廣雅音四卷秘書學士曹憲撰唐藝文志張揖廣雅四卷曹憲博雅十卷案張博士所分卷帙止有上中下三篇析爲四者梁人也又析爲十者曹憲也避煬帝名改爲博爾

張揖纂集

漢書序例云揖字稚讓清河人一云河間人魏

太和中爲博士嘗解漢書司馬相如傳一卷又  
埤蒼及古今字詁是張博士精于小學博極羣  
書而後作爲此書以繼先聖賢之軌躅誠五經  
之鍵轄而六藝之筌蹄也

曹憲音釋

唐書儒學傳曹憲揚州江都人仕隋爲秘書學  
士於小學家尤邃自漢杜林衛宏以來古文亡  
絕至憲復興煬帝令與諸儒撰桂苑珠叢規正  
文字又注廣雅學者推其該洽藏于秘書貞觀  
中以宏文館學士召不至即家拜朝散大夫太

宗嘗讀書有疑難字輒遣使問憲憲具爲音註  
援驗詳復帝咨尚之卒年百餘歲崇憲于廣雅  
止有音釋傳以爲嘗注此書誤也

### 釋詁第一

廣雅是此書總名釋詁爲第一篇別目自此以  
後十八篇各分爲科段矣周禮大行人論書名  
聽聲音則屬瞽史論言語協辭命則屬象胥樂  
正授數司成論說非是則不能通也是卽詁訓  
之學詁者古也先王之世在官有學古之吏在  
朝有道古之儒百官得其叙萬事得其宜及周



之衰淫文破典賴有孔子雅言正之而其道復著爾雅小書所以通詁訓之指歸凡十有九篇張氏廣而成之篇目依悉其舊釋者解也許慎說文解字云詁訓故言也古故也从十口識前言者也大雅烝民云古訓是式鄭箋云古訓先王之遺典也爾雅釋文引張博士雜字云詁者古今之異語也詁通作故漢書藝文志書有大小夏侯解故詩有魯故韓故齊后氏故孫氏故毛詩故訓傳陸德明詩釋文云詁故皆是古義所以兩行然前儒多作詁解而章句有故言郭

注爾雅則作釋詁樊光孫炎等皆爲釋故今張  
博士亦作釋詁與郭本爾雅同也第者審諦也  
一者數之始也既諦定篇次以釋詁居首故曰  
釋詁第一也博士釋詁本是一篇後人分爲四  
卷今作疏義又析爲八卷以其卷帙太繁重故  
也

古昔先創方作造朔萌芽本根槩龜反戶華音昌孟  
昇業始也

劉熙釋名云始息也言滋生也凡釋古今異言通  
方俗殊語必有所託始文雖纍纍其義寔同故先

釋始之義也古者漢書藝文志云世歷三古孟康  
曰易繫辭云易之興其于中古乎然則伏羲爲上  
古文王爲中古孔子爲下古顧野王玉篇云古古  
久之言也古始也本此昔者小雅采芣云昔我往  
矣陸德明釋文引韓詩薛君章句昔始也先者說  
文光前進也孝經感應章必有先也老子象帝之  
先古曰在昔昔曰先民皆言始事之人也創者論  
語裨請草創之漢書叙傳稅介免冑禮義是創顏  
師古曰創始造之也通作剏說文剏造法剏業也  
讀若創方者小雅大田旣方旣皁箋方房也謂字

甲始生而未合時也文選陸厥奉答內兄希叔詩  
屏居南山下臨此歲方秋作者詩魯頌思無斁思  
馬斯作傳作始也樂記篇作者之謂聖述者之謂  
明白虎通義禮樂篇樂言作禮言制何樂者陽也  
陽倡始故言作禮者陰也陰制度于陽故言制造  
者商書伊訓造攻自鳴條呂氏春秋仲夏紀萬物  
所出造于太一化于陰陽高誘注造始也朔者說  
文朔月一日始蘇也儀禮大射禮朔聲注朔始也  
尚書大傳朔始也北方物之終始故言始也周禮  
天官太宰正月之吉鄭注吉謂朔日也地官蠶正

四時之孟月吉日注四孟之月朔日族師月吉注  
每月朔日也案正月之吉孟月吉日月吉皆謂一  
月之朔是朔爲一月之始也漢書成帝紀陽朔元  
年顏師古曰朔始也以火生石中言陽氣之始萌  
芽者草木之始也說文萌草芽也芽萌芽也古亦  
作牙月令萌者盡達鄭注芒而直者曰萌漢書律  
志天統之正始施于子半日萌色赤地統受之于  
丑初日肇化而黃至丑半日牙化而白人統受之  
于寅初日肇成而黑至寅半日生成而青書傳略  
說云周以至動殷以萌夏以芽揚雄徐州箴禍如

邱山本在萌芽左思魏都賦萌抵疇昔參同契云  
陰陽之始元合黃芽太元離云陽不極則陰不萌  
陰不極則陽不牙本者萬物莫不始于本說文木  
下曰本从木一在其下禮器篇反本復古不忘其  
初玉篇本始也木此根者木之始也韓非子云樹  
木有蔓根有直根根者書之所謂抵也抵也者木  
之所以建生也槩者商書盤庚若顛木之有由槩  
說文木部引作𣎵𣎵弓部引作𣎵拊陸氏釋文槩  
五達反本又作拊馬融曰顛木而肄生曰拊詩商  
頌長發苞有三槩傳槩餘也漢書敘傳作苞有三

枿枚乘上書諫吳王云夫十圍之木始生而槩李  
善注引尸子云千丈之木始若槩足易去也意華  
者揚雄方言文也彼文華作律字異音義同集韻  
華始也一曰艸孚甲出也劣戌切昌者與倡同春  
官樂師凡軍大獻教愷歌遂倡之注故書倡爲昌  
鄭司農云樂師王倡也昌當作倡吳語云越大夫  
種乃倡謀韋昭注發始爲倡楚辭九章聲有隱而  
先倡王逸注倡始也孟者嫡長爲伯庶長爲孟孟  
仲叔季以孟爲始離騷云攝提貞于孟陬兮王逸  
注孟始也鼻者方言云鼻始也豎之初生謂之鼻

人之初生謂之首梁益之間謂鼻爲初或謂之祖  
說文云今俗以始生子爲鼻子漢書揚雄傳或鼻  
祖于汾隅注引劉德云鼻始也業者齊語云擇其  
善者而業用之韋昭注業猶叔也創業全訓始  
乾宮元首主上伯子男卿大夫令長龍嫡郎將日正  
君也

說文君尊也从尹發號故从口大雅皇矣克長克  
君左傳解之曰當廢刑威曰君乾者卦之君也說  
卦傳乾爲君又曰乾以君之乾彖傳時乘六龍以  
御天荀九家云乾者君卦也六爻皆當爲君是乾



六爻有君象皆當進居天位故曰乘六龍以御天  
宮者音之右也漢書律歷志宮中也居中央暢四  
方唱始施生爲四聲綱也又云宮爲君樂記疏引  
樂緯動聲儀云宮爲君君者當寬大容衆故聲宏  
以舒其情和以柔動腴也玉海載徐景安樂書引  
劉歆云宮者中也君也爲四聲之綱其聲重厚如  
君之德而爲重元首者虞書股肱喜哉元首起哉  
孔傳元首君也股肱之臣喜樂盡忠君之治成乃  
起主上者漢書司馬遷傳務壹心管職以求親媚  
于主上又主上二字析言之亦爲君左氏襄公十

九年傳晉荀偃卒而視不可含范宣子盥而撫之  
曰事吳敢不如事王呂氏春秋不苟論民無道知  
大人臣亦無道知主高誘注主君也孝經云安上  
治民莫善于禮墨子親士篇上必有諂諂之下是  
也伯子男者五等所封小國之君也白虎通義伯  
者百也子者孽也孽孽無已也男者任也人皆五  
十里卿大夫者卿也大夫也各有采地以治其民  
白虎通義卿之爲言章善明理也大夫之爲言大  
扶進人者也故傳曰進賢達能謂之大夫也令者  
說文令發號也呂氏春秋孟春紀南陽無令其誰

可而爲之高誘注令君也長者丁文切周語云晉  
聞古之長民者韋昭注長猶君也太宰九兩一曰  
牧以地得民二曰長以貴得民三曰師以賢得民  
長與師牧同稱教人以道可爲民長故爲君也龍  
者易文言云龍德而隱龍德而正中皆以龍爲君  
德賈誼新書龍也者人主之辟也又爲鱗蟲之君  
大戴禮易本命云有鱗之虫三百六十而蛇龍爲  
之長嫡者嗣君之稱左氏閔元年傳內寵並后嬖  
子配嫡亂之本也通作適王風伯兮誰適爲容傳  
適主也呂氏春秋帝也者天下之適也高誘注適

主也郎者漢書百官表郎掌守門戶出充車騎此  
宿衛之郎亦主卒旅為卒旅之君長也將者即諒  
切說文將帥也將所以統軍旅亦人君之象也日  
者邠風柏舟日居月諸箋日君也太平御覽引易  
緯云日者至陽之精象君德元黃照耀五色無主  
舊本日訛曰今訂正正者曹風鴉鵂篇正是四國  
小雅斯干噲噲其正傳並云正長也長正皆君也

道天地王皇靈音靈歆音歆博音博殷音殷粗音粗兄音兄沘音沘浦音浦會音會

拓音拓補音補衍音衍臨音臨巨音巨佳音佳方音方夸音夸反音反匪音匪胡音胡對音對反音反胡音胡嘉音嘉凱音凱

般張覺封音封費音費反音反扶音扶帝音帝太賢胡音胡彥音彥反音反赤音赤以音以廣音廣旁音旁奄音奄勑音勑反音反市音市萌音萌勑音勑

天才の夢

反布茂  
朴反普木  
魁訶音吁  
沈岑  
蚩切以真  
誦音鋪  
鐸切昌者  
顓音考

顛苦  
題反苦  
𪔐音教  
芋音吁  
凋音彫  
袞許亮  
萬  
觶家竹

反駁反五高都大也

說文大天大地大人亦大故大象人形道天地王  
者老子道德經道大天大地大王亦大域中有四  
大而王居其一焉管子形勢篇天之裁大故能兼  
覆萬物地之裁大故能兼載萬物人主之裁大故  
容物多而衆人得比焉皇者說文皇大也从自自  
始也三皇大君也大雅皇矣上帝傳皇大也文王  
有聲云皇王惟辟傳與皇矣同箋云言大王者武

王事益大豐者說文豐大屋也易曰豐其屋通作  
豐方言豐大也凡物之大貌曰豐又云趙魏之郊  
燕之北鄙凡大人謂之豐人燕趙之間言圍大謂  
之豐序卦傳豐者大也考工記函人舉而眠之欲  
其豐也注豐大也楚語彼若謀楚其亦必有豐敗  
也哉韋昭注豐大也瓠者玉篇瓠苦回切大也本  
此博者說文博大通也殷者喪大記主人具殷奠  
之禮俟于門外注殷猶大也莊子山木篇翼殷不  
逝釋文引司馬彪云殷大也李頤曰翼大逝難楚  
辭哀時命懷殷憂而歷茲王逸注如遭大憂常懷

戚戚經歷年歲粗者采胡切鄭康成禮記注粗麤也玉篇粗麤大也兄者釋名釋屬篇兄荒也荒大也故青徐人謂兄為荒也荒者說文荒水廣也引易曰包荒用馮河今本作荒爾雅釋天太歲在巳曰大荒落費鳳碑終于大荒即用爾雅是荒荒古字通也唐風蟋蟀好樂無荒大雅公劉幽居允荒傳並云大也左氏昭七年傳周文王之法曰有亾荒閔荒大也有亾人當大蒐其衆晉語在周頌曰天作高山太王荒之荒大之也沛者漢書五行志上得天子外得諸侯沛然自大是沛為大也通作

旆左氏傳二十八年傳狐毛設二旆而退之宣十  
二年傳令尹南轅反旆杜預並云旆軍前大旗柘  
者纛之大也說文柘衣紒也徐鍇繫傳引字書柘  
張衣今大也揚雄元璽云天地開闢宇宙柘坦司  
馬光注柘廣而坦明柘者玉篇廣韻無此字集韻  
引博雅爾衍大也又引爾雅酒醑醑苦也醑爾雅作  
矜此作補益从鹵矜省與矜音義同鄭注禮記云  
矜謂自尊大也晉語嘽嘽之德不足就也不可以  
矜而祇取憂也韋昭注矜大也衍者楚辭天問南  
北順隳其衍幾何王逸注衍廣大也臨者序卦傳



義也易乾鑿度云臨者大也陽氣在內中和之盛  
應于盛位浸大之化行乎萬民故言空處王位施  
大化為大君臣民欲被化之詞也巨者方言文齊  
宋之間語張衡西京賦巨靈鼎嶺薛綜注巨大也  
通作鉅說文鉅大剛也漢書食貨志庶人之富者  
累鉅萬顏師古曰鉅大剛也大萬謂萬萬也佳者  
戰國策司馬喜曰趙佳麗之所出高誘注佳大也  
麗美也舊本佳訛佳鳥之佳今訂正方者鄭注士  
喪禮云今文旁為方是旁為古文方旁既為大方  
亦大也晉語今晉國之方偏侯也韋昭注方大也

夸者說文夸奢皆從大故有大義漢書諸侯王表  
藩國大者夸州兼郡連城數十匪者水之大也禹  
貢東匯澤為彭蠡凱者古作愷左氏僖十二年傳  
引詩愷悌君子釋文作凱云本亦作愷呂氏春秋  
不屈篇云詩愷悌君子民之父母愷者大也悌者  
長也君子之德長且大者則為父母般者方言大  
郭璞音盤桓之盤張者大雅韓奕孔修且張傳張  
大也左氏桓十六年傳隨張必棄小國杜預注張  
自侈大也覺者小雅斯干有覺其楹傳覺高大也  
大雅抑云有覺德行禮記緇衣引作有楮注楮大

也覺悟古字通封者小爾雅文商頌殷武封建厥  
福左氏定四年傳吳為封豕長蛇周語封崇九川  
離騷又好射夫封狐注家皆解封為大費者說文  
帝大也此作費同通作佛周頌閔予小子云佛時  
仔肩釋文毛符弗反大也大者古大字本有太音  
後人加點以別之賢者穿之大也攷工記輪人五  
分其轂之長去一以為賢注賢大穿也說文賢大  
兒讀若賢是賢與堅通廣韻賢大也本此胡者士  
官禮眉壽萬年永受胡福注胡猶遐也遠也案遐  
本作遐說文遐大遠也膠者說文膠廣也玉篇膠

廣大也通作侈小雅卷伯哆兮侈兮疏侈者因物而大之名禮于衣袂丰而益一謂之侈袂廣者說文廣殿之大屋也小雅六月四牡脩廣攷工記輪人弓鑿廣四枚周語若是則必廣其身呂氏春秋恃君覽地日廣子孫彌隆注皆訓廣為大荀子禮論篇大者禮之廣也通作光周語故能光有天下而和寧百姓韋昭注光大也又云熙廣也韋注鄭後司農云廣當為光虞亦如之旁者說文旁溥也爾雅釋詁以溥為大是旁亦大也逸周書世俘解旁生魄孔邇注旁廣也廣亦大也奄者說文奄大

有餘也大雅皇矣奄有四方傳奄大也通作俺說  
文俺大也勑勑者並力之大也玉篇勑勑皆云大  
也本此廣韻勑大力之兒朴者楚詞天問恒秉季  
德焉得夫朴牛王逸注朴大也言湯常秉持契之  
末德修而宏之天嘉其志出田獵得大牛之瑞也  
又九章朴材委積兮注壯大為朴魁者荀子修身  
篇倚魁之行非不難也楊倞注倚奇也魁大也倚  
魁謂偏僻狂怪之行呂氏春秋孟夏紀不疾學而  
能為魁士名人者未之嘗有也高誘注魁大之士  
名德之人劉向九歎律魁放于山間案魁與傀同

說文傀字引周禮大傀異訐者與訐同方言訐大也中齊西楚之間曰訐鄭風溱洧訐且樂大雅生民實覃實訐傳並云大也通作盱豫六三盱豫悔釋文引王肅云盱大也沈者直林切方言文岑黃者高之大也亦方言文方言又云岑高也郭璞注岑崧峻兒誦者言之大也說文誦大也讀若通玉篇誦大言誦者丁可切說文誦富誦誦兒玉篇誦大寬也誦者頭之大也口倒切玉篇誦大頭也顏者說文顏大頭也讀若魁顏者莊子大宗師篇其頽頽釋文頽向秀本作頽云頽然大朴兒通作

傀莊子列禦寇云達生之情者傀司馬彪云傀讀  
曰瑰瑰大也麤者月今其器高以麤注麤猶大也  
數者古敦字方言文也陳鄭之間語通作淳國語  
史伯曰黎為高辛氏火正以淳耀敦大光照四方  
韋昭注澤大也芋者方言文郭璞注芋猶訐也小  
雅斯干君子攸芋傳芋大也通作于方言又云于  
大也弼者丁么切玉篇弼大也亦作裔袞者曹氏  
無音疑當作襲字之訛也淮南主術訓一人被之  
而不褻萬人蒙之而不褻高誘注襲大也褻小也  
頤者頤大頭也玉篇引蒼頡云頭大也本或作𩑦

集韻泰馨么切引廣雅大也文選魏都賦河汾浩  
泔而皓譙李善注引廣雅譙大也是本又作譙萬  
者盈數也盈天地之間者唯萬物盈為多多有大  
義詩曰萬舞言大舞也觶者說文觶擊獸一曰下  
大者也駮者通作額玉篇額高大也都者總其大  
歟漢書鄭吉傳吉既破車師降日逐威震西域遂  
并護車師以西北道故號都護額師古注都猶大  
也總也

仁黼音龍或員韻虞方云撫有也

周南采芣苢詩言有之傳有藏之也禮記哀公



問云不能愛人不能有其身注有猶保也仁者乎  
東切說文仁大腹也讀若紅腹大亦有之意襁者  
盧紅切說文襁兼有也左思吳都賦馬襁倮束或  
者尚書微子殷其弗或亂正四方小雅天保無不  
爾或承論語為政篇或謂孔子曰孟子天時篇夫  
既或治之呂氏春秋孟春紀引書無或作好遵王  
之道無或作惡遵王之路淮南說林訓解門以為  
薪塞井以為向人之從事或時相似注家並訓或  
為有穀梁隱三年傳有內辭也或外辭也或通作  
域說文或又从土作域故商頌元鳥正域彼四方

毛傳亦訓域為有也詹事兄曰或與有聲相近員  
者說文員物數也小雅正月無棄爾輔員于爾幅  
傳員益也計數增益有之義也虞者玉篇虞有也  
本此方者召南鵲巢維鳩方之傳方有之也云者  
文選傳咸贈何邵王濟詩進則無云補李善注引  
此文古與員通其周書秦誓若弗云來山井鼎攷  
古本俱作員鄭風出其東門聊樂我員釋文員本  
亦作云小雅正月昏姻孔云釋文云本又作員商  
頌元鳥景員維何箋員古文作云員既為有故云  
亦同也詹事兄曰員云與有聲相近撫者文王世

子云君王其終撫諸鄭注撫猶有也

假音格及軫若禮反礙五害反括致悃掇少履反距巨音撼風就

又似育反會抵反多禮薄察往薦周望腆繫於分至

也

說文至鳥飛以高下至地也從高而下曰至自外而來亦為至假者方言文邠唐冀兗之間語堯典假于上下鄭康成注假至也商頌元鳥四海來假祭統假于太廟莊子大宗師篇是知之能登假于道也若此皆與格同案假當為假說文假至也及者周語王不從以及此難韋昭注及至也文選陸

機短歌行時無重至李善注引論語摘輔像識云  
時不再及宋均注及亦至也轉者說文轉礙也此  
篇轉礙同訓至則轉亦至也五音集韻轉或作軛  
至也本此礙者說文礙止也括者王風君子于役  
云羊牛下括傳括至也致者字當為致鄭注禮器  
云致之言至也文選江淹上建平王書注引孟子  
云墨子兼愛摩頂至于踵劉熙注致至也惛者誠  
之至也漢書劉向傳發憤惛惛顏師古曰惛惛至  
誠也舊本惛作惛攷說文惛惛也其字从困今訂  
正概者方言概到也揚雄甘泉賦洪臺掘其獨出

今撮北極之嶙嶙應劭曰撮至也案說文撮刺之  
財至也其字从手俗本譌从木今据方言玉篇訂正  
撮通作倣方言倣會也凡會物謂之倣距者臯陶  
謨予決九川距四海濟畝澮距川史記距皆為致  
此篇距致同訓至則致即至也漢書食貨志元龜  
距冉長尺二寸孟康曰冉龜甲緣也距至也度背  
兩邊緣尺二寸也通作距曹植七啓距巖而立李  
善注引孔安國書傳距至也據者方言據到也玉  
篇廣韻並同俗本譌从木今訂正據通作岷說文  
岷至也字異音義同會者小雅車牽德音來括傳

括會也括既訓至會亦至也抵者漢書武帝紀分  
循行諭告所抵與令重困顏師古注抵至也通作  
氏說文氏至也亦通作底五音集韻底止也薄者  
枚乘七發吳火薄天兵車雷運范雲贈張謏詩田  
家樵採去薄暮方來歸祭者子例切尚書大傳祭  
之為言祭也祭者至也人事至然後祭通作際淮  
南原道訓高不可際深不可測高誘注際至也往  
者心之至也史記孔子世家贊雖不能至然心鄉  
往之釋名往睢也歸睢于彼也故其言之印頭以  
指遠也薦者坎象傳水荐至釋文引千寶本作水

薦至京房本作水臻至是薦臻並為至也周者小  
雅鹿鳴示我周行傳孔安國論語注並解周為至  
白虎通義周者至也密也道德周密無所不至也  
望者說文出亡在外望其還也幸其至故亦為至  
也腴者周書大誥殷小腴馬融注腴至也繫未詳  
詹事兄曰左傳爾有母遺繫我獨無以繫有至義  
也

乃替遂邁行徃反歸往歸迂反于放往也

說文徃之也乃者字當為迺說文迺徃也讀若仍  
今俗作迺以為乃之異文耳替者少牢禮勿替引

之注古文替為秩是替秩同也小雅斯干云秩秩  
斯干傳秩秩流行也故替為往也遂者楚詞天問  
云曰遂古之初王逸注遂往也謝靈運九日從采  
公戲馬臺送孔令詩歸客遂海隅邁者說文邁遠  
行也从𢀛省或作邁不省玉篇邁往也本此行者  
廣韻行往也本此往者說文往遠行也楚詞魂往  
往而南征兮歸者公羊隱二年傳婦人謂嫁曰歸  
何休注婦人生以父母為家嫁以夫為家故謂嫁  
曰歸穀梁莊二年傳王者民之所歸往也孟子往  
之女家歸即往也迂者說文迂往也引春秋傳曰



安古堂抄藏

子無我廷言傳者左氏昭二十一年傳文又左氏襄二十八年傳君使子展廷勞于東門之外注廷往也

休詳衷佳忤音汗祿吉慶良謹時埒黨適賴忘又素果反

反愿慤溫長嬪側華擾反如小馴音說文嬀竹綠反眼

音祿戾靈善也

說文肅吉也从詒从羊此與義美同意篆文作𠄎釋名善演也演盡物理也休者說文休息止也或作庥豳風破斧亦孔之休大雅民勞以為王休傳並云休美也美與善同義詳者舊本作祥攷祥善

已見爾雅博士上廣雅表自言取其不在爾雅者  
著于篇知祥字誤也祥與詳通今定為詳易大壯  
不能退不能遂不詳也疏云詳者善也進退不定  
非為善也釋文王肅本作祥荀子脩身篇則可謂  
詳少者矣楊倞注詳當為祥淮南說林訓六畜生  
多目目者不詳高誘注詳善也表者皋陶謨同寅  
協恭和衷哉晉語以君之靈鬼神降衷荀子子道  
篇從命則親危不從命則親安孝子不從命乃衷  
呂氏春秋季秋紀願一與吳徼天下之衷注家皆  
訓衷為善佳者說文人部義也楚詞大招云矯脩

滂浩麗以佳只王逸注佳善也忤者吳旦切玉篇  
忤善也本此集韻秦皆謂好曰忤祿者春官天府  
云若祭天之司民司祿注祿之言穀也爾雅釋詁  
穀訓善祿亦善也吉者說文口部義也釋名吉寔  
也有善寔也虞書彰厥有常吉哉疏引鄭注人能  
明其德所行使有常則成善人矣召南標有梅迨  
其吉兮傳吉善也慶者大雅皇矣則篤其慶左氏  
昭三十年傳大國之惠亦慶其嘉毛傳杜注並云  
慶善也良者說文畱部義也釋名良量也量力而  
動不敢越限也邶風日月德音無良衞風氓子無

良媒月令季夏令百工審五庫之量金鐵皮革筋  
角齒羽箭幹脂膠丹漆無或不良魯語是良器也  
為我降法注家皆訓良為善慥者疑與謹同楚詞  
九章謹厚以為豐王逸注謹善也時者小雅頍弁  
爾般既時儀禮士冠禮嘉薦宜時逸周書小開解  
何謹非時何慥非德皆謂時為善埒者安之善也  
疾郢切說文埒亭安也公羊文十二年惟緩緩善  
埒言何休注埒猶揆也黨者言之善也荀子非相  
篇寔博而黨正楊倞注黨與謹同謂直言也陳羣  
張平子碑爰登侍中則黨言允諝洪适云以黨言

為謹言通作當孔安國益稷傳故呼禹使亦陳當  
言釋文當丁浪反本亦作謹李登聲類云謹言直  
言漢書叙傳吾久不見班生今日復聞謹言是也  
適者太乙經銳首銳于時得其適也一說適與嫡  
通說文嫡嫡也下文嫡為善嫡亦善也賴者孟子  
告子篇富歲子弟多賴趙岐注賴善也梁未詳愿  
者論語泰伯篇侗而不愿鄭注愿善也左氏襄三  
十一年傳子皮曰愿吾愛之杜注愿謹善也慤者  
謹之善也禮器云七介以相見也不然則已慤荀  
子不苟篇有慤士者張衡東京賦民去末而反本

成懷忠而抱慤廣韻慤善也本此舊本慤訛作穀  
今訂正溫者和之善也小雅小旻溫溫恭人傳溫  
溫克柔也邶風燕燕終溫且惠箋溫謂顏色和也  
長者材能之善也孟子公孫丑篇敢問夫子惡乎  
長或說讀為長幼之長元者善之長也嬾者容之  
善也方言嬾嬾鮮好也說文嬾齊也擾者柔之善  
也尚書擾而毅徐廣曰擾一作柔字本作擾从牛  
憂聲說文擾牛柔謹也玉篇擾馴也春秋傳乃擾  
畜龍應劭曰擾者柔擾馴也管子地員篇其地宜  
擾桑擾桑柔桑也諸擾字皆擾之譌說文擾玉也

讀若柔蓋擾有柔音故史記或作柔又有馴音故  
李軌徐邈皆音尋倫切曹音如小反失之矣馴者  
順之善也說文馴馬順也通作訓地官土訓鄭司  
農讀訓為馴司馬貞云史記馴字徐廣皆讀曰訓  
殷本紀百姓不親五品不馴後漢書引作訓坤初  
六馴致其道鄭注馴從也徐爰音訓依鄭義媯者  
謹之善也說文媯謹也讀若人不孫為不媯媯者  
亦謹之善也說文睞目睞謹也宋玉招魂蛾眉曼  
睞目騰光些戾者以戾為善猶亂為治但為存故  
為存此皆古訓義有反覆旁通美惡不嫌同名靈

者郈風定之方中靈雨既零箋靈善也太元交次  
六我有靈穀與爾穀之

噍反去馬養娛反在宗悵反歡反醋比音樂也

釋名樂樂也使人好樂之也皇侃論語義疏云悅  
之與樂俱是歡忻在心常等而貌迹有殊悅則心  
多貌少樂則心貌俱多噍者方言文郭璞注噍噍  
歡貌養者嵇康琴賦恬養悅念李善注引此文娛  
者說文女部義也鄭風出其東門聊可與娛傳娛  
樂也舊本娛訛為娛今訂正悵者說文心部義也  
漢書廣陵王音傳王自歌曰出入無悵為樂巫章



昭曰惊亦樂也謝朓遊東田詩戚戚若無惊李善  
注引魏文帝折楊柳行端坐若無惊駕遊博望山  
佚者玉篇佚豫也引書曰無教佚欲有邦爾雅釋  
詁豫為樂故佚亦樂也歡者說文歡喜樂也禮檀  
弓啜菽飲水盡其歡通作權孝經治章故得萬國  
之權心以事其先王又通作權孟子霸者之民驩  
虞如也醋者飲之樂也在各切繫詞傳可與酬酢  
京房本作醋說文醋主人進客也醋客酌主人也  
今人以醋為倉故切非是比者雜卦傳云比樂師  
憂

聆反禮丁聽自言仍從也

說文从相聽也繫傳本作相聽許也徐鍇云言計相聽也許謂從謀也說文又云起隨行也今通作從孔子閒居氣志既從注從順也聆者說文聆聽也玉篇引倉頡篇耳聽曰聆顏延之贈王太常詩聆龍睪九淵曹植七啟聆鳴鳳于高岡李善注引廣雅聆聽也疑彼注聽下脫從字聽者說文聽聆也易艮象傳不拯其隨未退聽也左氏昭二十六年傳姑慈婦聽自者書湯誥王歸自克夏至于亳毛詩序南言化自北而南也鄭注自從也又召南

紫雲堂抄藏

退食自公委蛇委蛇左氏昭五年傳羣臣懼死不敢自也杜解自為從言者洪範五事言曰從馬融注發言當使可從仍者大雅常武仍執醜虜傳仍就也說文仍因也因就與從皆義相成也

巽音媚隨理猷訓悌婉音勑拊音循摩順也

釋名順循也循其理也大雅皇矣克順克比左氏傳解之曰慈和徧服曰順說文順理也川者陸德明易釋文云坤本又作川今字也說卦傳坤順也續漢輿服志黃帝堯舜垂衣裳而天下治蓋取諸乾川巽者說文巽巽也此易舉卦為長女為風者

易正義云巽者卑順之名媿者說文女部義也又云媿續若媚故曹音亦然隨者說文隨从也从亦順也書禹貢隨山刊木大雅民勞無縱詭隨廣韻隨順也本此理者說者解順為理則理亦順也猷者與猶同召南小星寔命不猶小雅鼓鐘其德不猶傳並云猶若也爾雅釋言若訓順故猶亦順也訓者周頌烈文四方其訓之左氏傳引作順是訓順同也洪範是彝是訓于帝其訓馬融注是大中而常行之用是教訓于天下于天為順也古與馴通五帝本紀能明馴德徐廣曰馴古訓字素隱曰

史記馴字徐廣皆讀曰訓訓順也言聖德能順人也悌者釋名悌弟也經典通用弟婉者說文女部義也邶風新臺燕婉之求左氏襄二十六年傳生佐惡而婉太子庶姜而狠晉語午之少也婉以從令注皆以婉為順悌循摩者說文悌撫也循摩也摩研也皆循順之意舊本悌譌从木今訂正悌通作循說文循行順也

閑杼楷式祖提肖容拱求巨菊反又俱音術臬魚列反井括鷹類援略漢音決也

管子禁藏篇灋者天下之儀也所以決疑而明是

非也釋名法通也莫不欲從其志逼正使有所限也說文灋刑也平之如水从水灋所以觸不直者去之以去或者作法此所釋者不止刑法凡可為常法者皆是閑者論語子張篇大德不踰閑孔安國曰閑猶法也廣韻閑法也本此持者蒲沒切本書釋器云梓杖也所以行法之具也舊本梓為持今訂正楷者勢駭切玉篇楷式也引禮記曰今世之行後世以為楷式者小雅楚茨如幾如式大雅下武下土之式楚詞天問天式從橫太元少次三動載其得人主之式注皆解式為法祖者鄉飲酒

義源狗于東方祖陽氣之發于東方也注祖猶法也沈約末書謝靈運傳論源其颺流所始莫不同祖風騷振者宅根切方言文郭注救傾之法說文振法也古通作堂攷工記弓人維角堂之鄭注堂讀如堂距之堂疏云堂距取其正也肖者亦方言文西楚梁益之間語也容者儀也儀亦法也玉藻足容重子容恭目容端口容止聲容靜頭容直氣容肅立容德色容莊拱者古作共居勇切書序九共篇商頌長發受小共大共馬注毛傳並云共法也球者字當从木說文球鑿首集韻作鉞云鑿屬

鑿亦法也術者文王世子云公族之罪雖親不  
紀有司正術也註訓術為法古通作述邶風日月  
報我不述文選注引韓詩作報我不術薛君章句  
術法也臬者小爾雅文說文臬射準的也攷工記  
匠人置槲以縣眡以景後鄭謂槲古文臬假借字  
於所平之地中央樹八尺之臬以縣正之眡之以  
其景將以正四方也井者繫訓傳井居其所而遷  
鄭注井法也括者法言脩身篇其為中也宏深其  
為外也肅括則可以提身矣李軌注括法也本或  
作括集韻引此文括法也平刮切鷹者太元經次八



唯用解鴈之真解鴈好直之獸可為法也類者方  
言文也齊曰類荀子勸學篇羣類之紀綱也楊倞  
注類法也楚詞九章吾將以為類兮王逸注宜以  
我為法度太元穀次七觥羊之穀鳴不類測曰觥  
羊之穀言不法也援者履之法也吁劬切說文援  
履法也略者文選王命論此高祖之大略李善注  
引此文

商甫

音勇經長常也

此釋常行之道也商者說苑脩文篇商者常也常  
者質質主天夏者大也大者文文主地故王者一

商一夏再而復者也廣韻商常也本此舊本商為  
商今訂正甫者說文甫艸木華甫甫然也案甫之  
言涌也如泉之涌出有常度也經者白虎通義經  
所以有五何經常也有五常之道故曰五經樂仁  
書義禮禮易智詩信也釋名經徑也如徑路無所  
不通可常用也小旻匪大猷是經莊子養生主緣  
督以為經毛萇李頤並云經常也長者左思魏都  
賦器周用而長務李善注引此文廣韻長常也本  
此

眉象

離

音復

反

蘇苟

艾耆長數

大到

反

耆

音點

期頤老也

說文老考也七十曰老从人毛匕言鬚髮變白也  
釋名考朽也蔡邕獨斷王者父事三老老謂久也  
舊也壽也眉者方言文也東齊曰眉郭注眉言秀  
眉也幽風七月以介眉壽傳眉壽豪眉也小雅南  
山有臺遐不眉壽傳眉壽秀眉也黎者亦方言文  
也燕代之北鄙語郭注黎言面色如凍黎通作黎  
吳語播棄黎老韋昭注貽背之耆耨黎老說文耆  
老人面凍黎若垢是也俊艾者小爾雅文方言俊  
父老也東齊魯衛之間凡尊老謂之俊或謂之艾  
孟子梁惠王篇王曰變趙岐注變長老之稱也猶

父也說文安老也或作倭左氏宣十二年傳趙倭  
在後曲禮五十曰父服官政釋名五十曰父艾治  
也治事能斷割芟刈無所疑也爾雅釋詁艾歷也  
郭注長者多更歷耆耆說文耆老也曲禮六十曰  
耆指使釋名六十曰耆耆指也不從力役指事使  
人也長者方言文釋文長久遠也久則變化敬者  
廣韻敬年九十也耆耆丁念切說文耆老人面如  
點也讀若耿介之耿期頤者曲禮百年曰期頤注  
期猶要也頤養也不知衣服食味孝子要盡其道  
而已釋名百年曰期頤頤養也老昏不復知服味

善惡孝子期于盡養道而已與鄭注合

苟款音款寔信誠也

賈誼書道術篇志操精果謂之誠說文誠信也苟者唐風采芣苟亦無信傳義也楚詞九章苟余心其端直兮注與傳同郭璞三倉解詁苟誠也款者說文款意有所欲也或作款劉峻廣絕交論銜恩遇進款誠李善注引呂忱字林款誠也寔者離騷羗無寔而容長廣韻寔誠也本此信者說文言部義也白虎通義信者誠也專一不移也

軫音軫彘反渠俱雨反廉苦檢反又居歛反厓厲方也

此就方而釋之蓋有二義軫者攷工記輶人軫之方也  
厓厲為稜角之方也軫者攷工記輶人軫之方也  
以象地也楚詞九章軫石歲嵬王逸注軫方也  
者厓或切玉篇軫方也本此架者說文巨規巨也  
或作架从木矢天者其中正也荀子不苟篇五寸  
之矩盡天下之方也漢書律歷志矩者所以為方  
器械今不失其形也陳者說文陳厓也此條陳厓  
皆訓方厓者說文厓山邊也古詩十九首相去萬  
餘里各在天一涯李善注引廣雅涯方也是本又  
作涯厲者衛風有狐在彼淇厲與厓同意亦作礪

禮儒行云砥礪廉隅

端直鏘

乃燭反

危質敵公方閑諫刑政貞幹集殷矢正

也

說文正是也士冠禮以歲之正以月之令注正猶善也端者月令孟秋審斷決必端平呂氏春秋季夏紀口必甘味和精端容鄭康成高誘並云端正也直者魏風碩鼠爰得我直郊特牲直祭祀于主鄭氏並訓直為正說文直正見也郭注爾雅云公羊傳曰直出直猶正也荀子脩身篇是謂是非謂非曰直蜀志法正字孝直鏘者方言文郭注謂堅

正也玉篇綱堅正也本郭注為義危者管子少者  
之事先生危正向師顏色無怍顏延之陶徵士誄  
獨正者危廣韻危不正也疑彼衍不字質者春官  
詛祝職以質邦國之劑信月令黑黃蒼赤莫不質  
良莊子在宥篇而所欲問者物之質也漢書梅福  
傳質之先聖而不繆施之當世合時務注皆云質  
正也敵者詹事兄曰夫婦敵體左傳不當王非敵  
也或說敵古通適禮檀弓云哭之適室適室正室  
也公者韓非子五蠹篇倉頡之作書也自環者謂  
之公背公者謂之公呂氏春秋孟春紀昔先聖王



之治天下也必先公公則天下平矣高誘注公正也方者呂氏春秋季春紀先王之立高官也必使之方高誘注方正也顏延之夏夜呈從兄散騎車長沙詩炎天方埃鬱李善注引此文廣韻方正也本此開者陸機日出東南隅行淑貌耀皎日惠心清且閑李善注引此文諫者地官司諫注諫猶正也以道正人行荀子臣道篇有能進言于君用則可不用則去謂之諫刑者大雅思齊刑于寡妻韓詩章句刑正也孟子梁惠王篇引此詩趙岐亦云刑正也古通作形淮南原道訓音者宮立而五音

形矣高誘注形正也政者論語顏淵篇義也鄭注  
周禮司馬云政正也政所以正不正也釋名政正  
也下所取正也貞者師彖傳文易彖辭乾元亨利  
貞子夏傳貞正也離騷攝提貞于孟陬兮幹者鄭  
注說卦離為幹卦云陽在外能幹正是幹有正義  
張衡西京賦婁敬委輅幹非其議李善注引薛君  
韓詩章句幹正也謂以其議非而正之集未聞殷  
者堯典以殷仲春法言問道篇或問八荒之禮也  
樂也孰是曰殷之以中國孔安國李軌並云殷正  
也矢者法言五百篇聖人矢口而成言李軌注矢

正也

弼音水愾若賴憑涌音充叔勑音匡幅反逼室反一塞盈  
屯大邛飽餽反敬餽反乙丈臆音臆溢蘇蘇豐滿也

說文滿盈溢也弼者弓之滿也說文弼弓強兒法

言君子篇君子言則成文動則成德何以也曰以

其弼中而彪外也李軌注弼滿也揚雄甘泉賦惟

弼環其拂泊兮蘇林音石墮并弼爾之弼愾者方

言饑飽也飽與滿同意此作愾字異義同憑者離

騷憑不壓乎求索王逸注憑滿也楚人名滿曰憑

涌者方言涌滿也凡以器盛而滿謂之涌郭注涌

言涌出也此作涌字異義同充者劉向九歎伊臯  
之倫以充廬王逸注充滿也叔者說文牛部義也  
大雅靈臺於牧魚躍司馬相如子虛賦充叔其中  
不可勝紀匡者器之滿也說文匡飯器箠也或作  
匡幅者方言偏滿也腹滿曰偏郭注偏言勅偏也  
今作幅字異音義同窆者說文窆塞也此條窆塞  
皆訓滿塞者說文作塞寔也引虞書曰剛而塞史  
記塞作寔大雅常武王猷允塞箋守信自寔滿孔  
子閒居志氣塞乎天地淮南原道訓故植之而塞  
于天地鄭氏高誘皆訓為滿本塞譌塞今訂正盈

者說文盈滿器也召南鵲巢維鳩盈之傳盈滿也  
屯者物之滿也序卦傳盈天地之間者唯萬物故  
受之以屯屯者盈也舊本屯訛屯今訂正飽者腹  
之滿也說文飽厭也餽餼者方言餽飽也玉篇餽  
飽滿也餼同上廣韻餽亦作餼是餽餼字異音義  
同曹分兩音非是臆者方言文郭注惛臆氣滿之  
也釋名臆猶抑也抑氣所塞也通作億說文作意  
滿也十萬曰億溢者說文溢氣滿也孝經滿而不  
溢所以長守富也班固西都賦闐城溢郭蘇未詳  
豐者說文豐豆之豐滿者也

邈 邇 邇 邇 音 離 剗 剗 昭 音 世 人 以 札 曠 云 極 遠 遙 迢 音 紆 夏  
反 吁 性 超 踰 遠 反 尹 卓 越 祖 慙 征 迢 迢 高 荒 裔 遠 也

說文遠遼也古文作邇爾雅釋詁遐遠也邇者漢  
書武帝紀觀于周室邇而無祀顏師古曰邇遠絕  
之意通作藐楚詞九章藐曼曼之不可量分漢書  
韋賢傳既藐下臣追欲從逸應劭曰藐遠也邇者  
古通作邇周書牧誓邇矣西土之人大雅抑云用  
邇蠻方潛夫論引作邇左氏襄十四年傳豈敢離  
邇說文邇遠也古文作邇案邇遠已見爾雅釋詁  
此當作邇邇離者方言邇邇離也楚謂之遠吳越

曰迦郭注離謂率離也。𠵽音列。此作迦字異音義。同釗者。方言文燕之北郊語也。曠者。陸機五等論。先王知帝業至亶天下。至曠。盧諶贈劉琨詩。苟非異德曠世同流。李善注並引此文。通作廣。方言廣遠也。越語廣運百里。韋昭注。東西為廣。南北為運。蓋廣即遠也。云者。詹事兄曰。云遠聲相近。通作雲。爾雅釋親。仍孫之子為雲。孫郭注。言輕遠如浮雲。案陸機演連珠。明其要者。器淺而應。李善注引廣雅。云遠也。疑即此字形相近而譌為云耳。極者。爾雅釋地。東至于泰遠。西至于邠國。南至于濮鉛。

北至于祝栗謂之四壺郭注皆四方壺遠之國遼  
者說文欠部義也楚詞九歎山修遠其遼遼兮潘  
岳河陽縣作詩誰謂晉京遠室邇身寔遼遙者方  
言文梁楚語也舊本遙譌遙今訂正迂者論語子  
路篇子之迂也包咸注迂猶遠也史記孟軻傳迂  
遠而濶于事情後漢書王龔傳其言甚迂其效甚  
迂夏者邶風擊鼓于嗟洵兮釋文韓詩洵作夏夏  
亦遠也呂氏春秋季夏紀精氣之集也集于聖人  
與為夏明高誘注夏遠也讀如詩云吁嗟夏兮超  
者方言文東齊語楚詞九歌平原忽兮路超遠謝



靈運從遊京口北固應詔詩道以神理超踰者投  
壺篇母踰言鄭注踰言遠談語也踰或為遙漢書  
陳湯傳橫厲烏孫踰集都賴如淳曰踰遠也顏師  
古注踰讀曰遙遵者說文彡部義也通作趙趙亦  
遠也越者魯語越哉臧孫之為政也韋昭注越迂  
也迂越同訓遠祖者親莫親于父自祖而曾祖高  
祖則漸遠矣故祖為遠也臧未詳征者說文延正  
行也或作征小雅六月王于出征是征為行之遠  
也遠者古通逝亦作噬唐風有扶之杜云噬肯適  
我高者上之遠也古詩十九首願為雙黃鵠奮翅

起高飛李善注引此文荒者地之遠也離騷將往  
觀乎四荒王逸注荒遠也爾雅釋地猷竹北戶西  
王母日下謂之四荒四荒猶上文言四極皆遠之  
意也郭景純以為昏荒本必然矣裔者左氏昭二  
年傳昔金天氏有裔子曰昧杜注裔遠也柳宗元  
賀冊尊號表云添漉普周乎八裔是裔為邊之遠  
也

虞宴鎮撫慰愆懣音又懣一占懣寒反細則宓眉筆反世  
堂者密作秘毒音莫音又湛大減反抑倓反連濫反便連  
反癯反彼昧音休反是幹焉媿反狄計反又支反之移尼女  
廣雅疏義卷一

反靖澹大關隱集息安也

說文安靜也以女在門下釋名安宴也晏晏然和  
喜無動懼也虞者周語虞于湛樂韋昭注虞安也  
莊子讓王篇故許由虞于潁陽釋文虞一本作娛  
宴者依字作晏說文晏安也邶風谷風宴爾新昏  
傳宴安也古宴與安通堯典欽明文思安安後漢  
書馮衍傳思唐虞之宴宴李賢注引尚書攷靈耀  
欽明文思宴宴又第五倫傳陳寵傳注俱引攷靈  
耀寬容覆載謂之宴通作燕小雅鹿鳴以燕樂嘉  
賓之心傳燕安也鎮者晉語鎮定大事韋昭注鎮

安也撫者說文手部義也淮南原道訓神與化游  
以撫四方高誘注撫安也古有以鎮撫二字連文  
者左氏傳鎮撫其社稷漢書高帝紀鎮撫關外父  
老是也慰者邶風凱風莫慰母心小雅車牽以慰  
我心傳並云慰安也古亦省作尉應劭注百官表  
云自上安下曰尉漢書車千秋傳尉安衆庶韓安  
國傳猶頗可得以尉士大夫心顏師古注古尉安  
之字正如此其後流俗乃加心耳愆者與怙同玉  
篇怙服也靜也公羊僖四年傳卒怙荆也慰者說  
文慰安也引詩曰慰慰夜飲爾雅釋訓慰慰安也

愛古堂抄藏

方言作厭安也陸機辨亡論洪規遠略固不厭夫  
區區者也李善注引方言作厭是厭厭古字通  
用塞者方言文彼作塞字異音義同必者說文以  
部義也通作密大雅公劉止旅乃密傳密安也毒  
者師彖傳以此毒天下而民從之嘆者說文嘆呶  
嘆也楚詞哀時命聊竄端而匿迹兮嘆寂嘿而無  
聲湛者方言文郭注湛然安兒抑者亦方言文墨  
子親士篇三子之能達成功于天下也皆于其國  
抑而大醜也案抑而大醜即安其大衆也侯者說  
文人部義也讀若談或作侯荀子仲尼篇侯然見

管仲之能足以託國也楊倞注倓安也安然不疑也便者亦說文人部義也墨子天志中篇百姓皆得煖衣飽食便寧無憂楚詞大招恣所便只王逸注便安也寢者寢之安也說文寢孰寐也讀若悖昧者與彌裁兵之彌同故亦為安史記晉世家示昧明左氏作提彌明秦本紀鄭高渠昧左氏傳作高渠彌是也舊本昧譌从貝字書所無今訂正係者春官小祝彌裁兵注彌讀曰救救安也玉篇引周禮彌作休休又通作弭楚詞夕弭節于北渚王逸注弭安也幹者周書多士爾厥有幹有年于茲

洛王肅注汝其有安事有長久年于此洛蓋安翰  
聲相轉以聲為義也焉者王風伯兮焉得諼草說  
文引作安得蕙艸是焉安音義同薛綜西京賦注  
安焉也媿者爾雅釋訓媿媿安也孫炎曰媿媿行  
步之安也郭璞曰好人安詳之容通作媿魏風葛  
屨好人提提傳提提安諦也楚詞章句引作好人  
媿媿又通作折檀弓吉事欲其折折爾注折折安  
舒兒引詩好人提提釋文折大兮反尼者爾雅釋  
詁尼定也定亦安也靖者商書盤庚則惟汝眾自  
作弗靖馬融注靖安也周頌昊天有成命肆其靖

之箋以靖為和安澹者賈誼服鳥賦澹乎若深淵  
之靚顏師古注澹安也通作愔說文愔安也楚詞  
九歌蹇將愔兮壽宮王逸注愔安也揚雄長楊賦  
海內愔然隱者左氏成二年傳韓厥俛定其右杜  
注右被射仆車中故俯安隱之莊子應帝王篇其  
臥徐徐司馬彪云徐徐安隱貌案今俗別作穩非  
也集者小雅鵲羽集于苞栩傳集止也止與安同  
義廣韻集安也本此息者召南殷其雷莫或違也  
唐風葛生誰與獨息傳並云息止也止與安義稍  
成也。集韻引廣雅併安也今無此文疑涉下而



誤耳

賓陳佾

音逸布并反

步怜

羅列也

說文列分解也是言分之有行列也賓者楚詞天  
問啟棘賓商王逸注賓列也陸倕石闕銘前賓四  
會陳者釋名陳堂塗也主賓主相迎陳列之處也  
楚詞九歌陳竽瑟兮浩倡王逸注陳列也又與陳  
通說文陳列也佾者舞之列也古用溢漢書郊祀  
志千童羅舞成八溢顏師古注溢與佾同布者書  
康王之誥諸侯入應門右皆布乘黃朱傳皆陳四  
黃馬朱鬣以為庭寔聘禮云管人布幕于寢門外

左氏昭十六年傳僞若獻王不知所成敢私布之杜注布陳也此條布陳皆訓列併者事之列也說文併竝也羅者方言羅謂之離離謂之羅郭注皆行列物也

昶

丑大反達聖明泰菑疏昌呼行反徹通也

說文通達也釋名通洞也無所不貫洞也昶者陸機五等論譬猶衆目則天網自昶嵇康琴賦固以和昶而足耽矣李善注並引此文玉篇昶通也本此達者釋名達徹也周書顧命克達殷集大命肅平石經達作通周頌載芟驛驛其達芟達出地也

案出地亦通徹之意聖者說文耳部義也洪範睿  
作聖傳于無事不通之謂聖應劭風俗通義聖者  
聲也聞聲知情故曰聖也是聖為耳之通也明者  
目之通也說文明照也明無不照故無不通也廣  
韻明通也本此泰者序卦傳義也乾鑿度孔子曰  
泰者天地交通陰陽用事長養萬物也蒿者往進  
士馥曰通作毒說文毒害人之艸往往而生从艸  
毒聲古文从刀菑案少讀若徹徐鉉曰一上下通  
也象艸木萌芽通徹地上也徐鍇本古文本从竹  
故繫傳云南方竹亦有毒者馥謂刀菑當為刀菑

从畐部簋字葛毒並訓厚音義皆同疏者說文云  
部義也張協七命內無疏蹊外無漏迹高者經典  
相承作亨乾彖詞元亨利貞子夏傳亨通也大有  
九三公用亨于天子王弼釋亨為通左氏昭四年  
傳是以先王務脩德音以亨神人杜注亨通也微  
者說文支部義也莊子外物篇目微為明耳微為  
聰鼻微為鷄口微為甘心微為知知微為德  
虔畏賓齊亟慙慙反力甚浚反三閭浚此緣誠信高尊  
敬也

賈誼書道術篇接遇肅正謂之敬反敬為嫚說文

敬肅也釋名敬警也恒自警肅也大雅常武既敬  
既戒箋敬之言警也晉語曰季曰夫敬德之恪也  
恪于德以臨事其何不濟虔者左氏成十六年傳  
虔卜于先君注虔敬也魯語少采夕月與太史司  
載糾虔天刑畏者服之敬也鄭注曲禮云心服曰  
畏曾西曰吾先子之所畏賓者說文賓所敬也地  
官鄉大夫以禮禮賓之先鄭注賓敬也左氏僖三  
十三年傳相敬如賓齋者中庸齋莊中正足以有  
敬也亟者亟敬聲之轉字當為苟說文苟自急救  
也已力切方言自閩而西秦晉之間凡相敬愛謂

之亟慤者說文心部義也慤浚者慤亦作稟方言  
稟浚敬也秦晉之間曰稟齊曰浚吳楚之間自敬  
曰稟稟又通作廩漢書循吏傳此廩廩庶幾德讓  
君子之遺風矣顏師古注廩廩言風采也浚者且  
泉切玉篇浚敬兒本此誠者尚書太甲鬼神無常  
享享于克誠信者左氏僖七年傳守命共時之謂  
信高者繫詞傳崇高莫大乎富貴言人所敬也尊  
者曲禮夫禮者自卑而尊人雖負販者必有尊也  
孟子天下有達尊三爵一齒一德一是也

拌普干反又伴音墩苦交反又捐音沿振震甫奉反又投委擯

緣藥  
反棄也

說文棄捐也从𠂔推革棄之从去去逆子也孝經  
曰五刑之屬三千罪莫大于不孝如淳曰焚如死  
如棄如者謂不孝子也不畜于父母不容于朋友  
故燒殺棄之周禮秋官掌戮凡殺其親者焚之故  
鄭氏謂焚如殺其親之刑刑人之喪不居兆域不  
序昭穆故燒殺棄之不入于兆也此倉頡制字之  
義也拌墩者方言拌棄也凡揮棄物楚謂之拌或  
謂之敲郭注今汝潁間語亦然說文敲橫槌也槌  
亦棄也墩敲字異音義同捐者說文手部義也曹

植三良詩誰言捐軀易殺賊誠獨難振者曲禮振  
書端書于君前有誅孔疏振拂去塵也臣不豫慎  
將文書簿領于君前臨時乃拂整也更者漢書食  
貨志大命將泛顏師古注泛本作更投者方言凡  
揮棄物淮汝之間謂之投左氏文十八年傳投諸  
四裔杜注投棄也曲禮無投與狗骨孔疏投致也  
棄其骨與犬也楚詞天問投之於水上鳥何煥之  
王逸注投棄也委者孟子天時篇委而去之離騷  
委厥美以從俗兮王逸注委棄也捐者他果切玉  
篇捐俗云落



抗反口莖弓於娛反又抗呼磔反竹厄設反古侯殲廓音又

披搯反丑于邀反丑力瞋音張也

上文張大也說文張施弓弦也此所釋者凡為張大之義不止弓弦也抗者說文抗或从木是抗即抗也攷工記梓人母或若如不寧侯不屬於王所故抗而射女注抗張也弱者弓之張也說文弱滿弓有所鄉也玉篇弱張也本此憊者張大之意漢書張敞傳為婦畫眉長安中傳張京兆眉憊應劭曰憊大也孟康曰音詡北方人謂媚好為詡畜磔者莊子盜跖篇無異于磔犬流豕釋文引此文漢

書景帝紀改磔曰棄市顏師古注磔謂張其尸也  
揚雄長楊賦磔裂屬國李善注亦引此文詹事兄  
曰磔張聲相近發者弩之張也說文彀張弓也小  
雅行葦引說文張弓曰彀彀者說文彀弩滿也讀  
若郭淮南兵畧訓疾若彀弩字或作彀漢書吾亡  
壽王傳十賊彀弩百吏不敢前張宴曰彀音郭顏  
師古注引滿曰彀披者說文以旁持曰披詹事兄  
曰披亦有分張之意按披疑振之譌漢書王莽傳  
莽休沐出振車騎顏師古注振張起也據邀者方  
言文王篇據張也本此舊本據譌為據今訂正瞋

者目之張也說文瞋張目也史記張耳傳將軍瞋目張膽淮南人間訓使狐瞋目植覩見必殺之勢

踰

且然反

歷逝去趨

七于反

促

直咳反又音

流步遵遶

魚輦反

踰

只石反

遂般從逮

鹿音

轉隨巡

充畧將進由駕帶貫朕

示亦反

逌

乎館反尚書

道

音

蹄

倫音

為

藥

逝

吉

行也

說文行人之步趨也釋名兩脚進曰行行抗也抗

足而前也踰歷者方言踰歷行也日運為踰月運

為逌郭注運猶行也說文踰踐也歷過也漢書律

歷志舉終以定朔望分至踰離弦望左思吳都賦

未知英雄之所躋逝者說文逝往也玉篇逝去也  
往去皆行也去者說文去人相違也玉篇去行也  
本此趨者釋名疾行曰趨趨赴也赴所至也爾雅  
釋宮堂上謂之行堂下謂之步門外謂之趨曲禮  
帷薄之外不趨堂上不趨注行而張足曰趨王藻  
趨以米齊注路門之樂節至應門謂之趨促者方  
言促用行也朝鮮洌水之間或曰促說文促促行  
貌通作促荀子脩身篇難進曰促又通作媯爾雅  
釋訓媯媯安也孫炎曰媯媯行步之安也流者說  
文流水行也今文尚書泰誓有火自上復于下至

于王屋流之為鵬王肅注流行也鄒陽上書吳王  
轉粟流輸千里不絕李善注引鄭注禮記云流猶  
行也步者淮南人間訓走者人之所以為疾也步  
者人之所以為遲也釋名徐行曰步步捕也如有  
所伺捕務安詳也周書召誥王朝步自周則至于  
豐詩疏引鄭注步行也堂下謂之步豐鎬異邑而  
言步者告武王之廟即行出廟入廟不以遠為文  
恭也少儀未步爵不嘗羞吳語以安步王志鄭氏  
韋昭並解步為行皇侃論語義疏凡人一舉足為  
跬跬三尺也兩舉足為步步六尺也遵遶者方言

文郭注遵遠行兒說文遵循也蹠者淮南說林訓  
蹠越者或以舟或以車雖異路所極一也遂者晉  
語夫二國士之所圖無不遂也韋昭注遂行也般  
者司馬相如子虛賦般乎裔裔郭璞曰羣行兒或  
說般當為服左氏昭八年傳康叔所以股宏大也  
注訓服為行從者說文從隨行也阮瑀為曹公作  
書與孫權云更無從事又引廣雅從行也遠者方  
言文說文遠行謹遠遠也轉者說文轉運也離騷  
路不周以左轉兮王逸注轉行也隨者說文隨从  
也此條從隨同訓行義相成也巡者說文巡視行

也左氏襄三十一年傳憂樂同之事則巡之杜注  
巡行也晉語臣從君還軫巡于天下太元攤云天  
日錯行陰陽更巡潘岳射雉賦巡丘陵以經畧兮  
韋昭徐爰等皆訓巡為行巡通作徇爾雅釋文引  
張博士字話云徇今巡字徇說文作徇云行示也  
周詩乃命其旅曰徇韋昭注徇行也漢書高祖紀  
二世使使斬之以徇顏師古注徇行示也司馬法  
曰斬以徇言使人將行徧示衆士以為戒充者玉  
篇充行也本此略者左氏隱五年傳吾將畧地焉  
注謂總攝巡行之事又宣十一年傳畧基址注畧

行也小顏漢書注凡言畧地者皆謂行而取之用  
功力少將者鄭風丰云悔予不將兮周語未將事  
毛傳韋注並解將為行孟子以君命將之趙岐注  
將者行也始以君命行禮墨子節用篇古者聖王  
為大川廣谷之不可濟于是利為舟楫足以將之  
進者釋名進引也引而前也由者曹植雜詩將騁  
萬里塗東路安足由說文作遜行遜徑也王篇遜  
疾行也駕者說文駕馬在軌中行之象也帶者方  
言文郭注帶隨人行也貫者古亂切玉篇貫行也  
本此射者楚詞天問皆歸射籍而無害厥躬王逸



注躬行也追道者方言追道步也緇衣篇不可以  
追注追逝也躡者方言文郭注音跳躡之躡廣韻  
躡出走也與躍同舊本躡譌踰曹音亦誤倫今据  
方言訂正遡者亦方言文說文逆流而上曰遡洄  
遡向也水欲下違之而上也或作遡吉者字當為  
遡說文遡遡怒走也

齒齒稔稔年也

爾雅釋天夏曰歲商曰祀周曰年唐虞曰載說文  
年穀熟也春秋傳大有年鄭注禮文王世子云年  
天氣也張守節引孫炎說年取年穀一熟齡者文

王世子云夢帝與我九齡陸德明作聆云本亦作  
齡後漢書田巴報馮衍書百齡之期未有能至王  
綰從軍詩昔人從公旦一征輒三齡齒者釋名齒  
始也少長別始乎此也以齒食多者長也食少者  
幼也文王世子云古者謂年齡齒亦齡也左氏昭  
元年傳使后子與子干齒杜注以年齒高下而坐  
綰者說文綰穀熟也左氏昭元年傳鮮不五綰王  
充曰王者有過異見于國不改災見艸木不改災  
至身若年穀和熟不至及身而亡故曰鮮不五綰  
棋者說文棋復其時也引虞書棋三百有六旬今

堯典作基通作基士虞禮替而小祥注古文替皆  
 基堯母碑基亦作基。案左太冲雜詩注引歲年  
 也今無此文孫侍御說

死資利反又羸羅外反又贊財賜列音替音殍音殍

紫殄於業病音吁疥音介疫音役梗叩反巨恭暱反女乙琬殄委

為反又于病補命反又殺九劣反反又瘁反季猶夷狩反

瘰反于整疥音曹疝反所間齟反區禹痛反已醫反古內瘍音亦癰

間麻音林瘡音斯痿反於危瘕反巨厥音反痔音時瘕反于去瘰反始藥

以灼病而女駭反又病音訶疵反尼入瘡音消痛反於渴音反肝滿

切皤反白教就音九瘤音留痒音詳軌音求痰今痲字反症音注瘰病

也

釋名疾病者客氣中人急疾也病並也並與正氣在膚體中也說文疾病也病疾加也鄭注論語云疾甚曰病又曰病疾益困也歾者說文戰見血曰傷或為忤死而復生為歾殲者說文殲畜產疫病也左氏桓六年傳謂其不疾殲也殲殲字異音義同殲者玉篇殲病也本此通作漬呂氏春秋孟春紀仲父之病矣漬甚高誘注病困也漬亦病也引公羊傳大青者何大清也列者玉篇列病也本此通作痢春秋莊二十年夏齊大災公羊傳大災

者何大瘠也大瘠者何痢也何休注痢者民疾疫也痢痢同替者亂之病也說文替替也殍者傷寒論所云溫病也殍溫古字通殍殍者方言殍殍微也宋衛之間曰殍自闕而西秦晉之間凡病而不甚曰殍殍郭注病半臥半起也殍或作殍殍或作殍廣韻殍殍不動兒病者玉篇疾病也本此疥者說文疥搔也禮記釋文引曰疥搔瘍也釋名疥疥也瘰搔之齒類斷也天官疾醫夏時有痒疥疾疫者說文疫民皆病也梗者大雅桑柔誰生厲階至今為梗卬者小雅巧言匪其止共維王之卬箋卬

病也。𦣻，死也。未詳。痿者，說文歹部義也。通作痿病者，說文病臥驚病也。癰者，玉篇癰病也。本此痿者，說文痿氣不定也。玉篇痿，心動也。亦作悸。瘡者，玉篇瘡病也。本此癰者，頸之病也。說文癰，頸瘤也。玉篇癰，頸腫也。釋名癰，嬰也。在頸，嬰喉也。疾者，字書無此字。攷玉篇疾，直高切。疾，疾也。疑卽此字。疝者，說文疝，腹痛也。釋文陰腫曰墮，氣下墮也。又曰疝亦言說也。說然引小腹急痛也。又曰心痛曰疝。疝，說也。氣說說然上而痛也。史記倉公傳臣意診之曰湧疝也。又云脈來難者，疝氣之客于膀胱也。

齟者說文稿齒齟也或作齟史記倉公傳齊中夫  
夫病齟齒釋名齟朽也齟齬之齒缺朽也疝者北  
里切說文疝瘕也疝者玉篇腎腰痛也集韻腎病  
也居代切本此瘍者說文瘍脉瘍也玉篇瘍脉病  
人病相染也舊本曹音亦誤今訂正癰者說文  
疔部義也玉篇癰小兒瘕病後漢書王符傳貴忠  
篇嬰兒常病傷于飽也哺乳多則生癰病今本潛  
夫論哺乳太多則必掣縱而生癰麻者說文麻疝  
病也釋名麻慄也小便難慄慄然也瘧者思移切  
玉篇瘧瘕瘧也瘕者素問瘕論大經空虛發為飢

痺傳為脉痿史記韓王信傳僕之思歸如痿人不  
忘起說文痿痺也玉篇痿不能行也痺濕病也痲  
者素問痲論黃帝問痲之寒熱者何也岐伯對曰  
陽氣衰于下則為寒痲陰氣衰于下則為熱痲王  
冰注痲謂氣逆上也釋名痲逆氣從下痲起上行  
入心脇也痔者說文痔後病也釋名痔食也蟲食  
之也素問生氣通天論因而飽食筋脉橫解腸澼  
為痔南山經禱過之山浪水出焉其中有虎蛟食  
者可以已痔瘡者說文瘡潰血也楚詞九辨形銷  
鑠而瘡傷王逸注身體焦枯被病久也瘡者說文



療治也或作療陳風衡門泌之洋洋可以樂飢鄭  
本作療箋云泌水之流洋洋然飢者見之可飲以  
療飢天官瘍醫凡療瘍注止病曰療左氏襄二十  
六年傳不可救療杜注療治也方言療治也衆經  
音義引蒼頡篇療治病也瘍者玉篇瘍病也本此  
病者說文疒部義也玉篇疒同疒漢書五行志及  
人謂之疒疒病兒言寢深也又云言之不從時則  
有口舌之疒文選注引高彪與馬融書公今養疒傲  
士瘕者玉篇泥瘕病也瘕者說文瘕酸瘕頭痛天  
官疾醫春時有瘕首疾注瘕酸劑也首疾頭痛也

玉篇瘡渴病也釋名消漱渴也腎氣不周于胸  
胃中津液消渴故欲得水也瘡者玉篇瘍中熱也  
亦作暍說文暍傷暑也漢書武帝紀元封四年夏  
大旱民多暍死顏師古注中熱而死也淮南俶真  
訓暍者望冷風于秋肝者古旱切說文肝面黑氣  
列子黃帝篇焦然飢色肝晦胞者說文胞面生氣  
也淮南說林訓潰小胞而發痤疽高誘注胞面氣  
也孰者玉篇孰病也本此瘤者釋名瘤流也血流  
聚所生瘤腫也說文瘤腫也玉篇瘤瘰肉也衆經  
音義引蒼頡篇瘤小腫也痒者說文痒瘍也玉篇

瘰與痒同孰者說文孰病寒鼻窒也月令季秋行  
夏令民多孰噎呂覽民多孰室高誘注孰讀為仇  
怨之仇釋名鼻塞曰孰孰久也涕久不通遂至窒  
塞也疾者釋文疾熱病也小雅小弁疾如疾首箋  
疾猶病也釋文本又作疹同左氏襄二十三年傳  
季孫之愛我美疾也疹者釋名注病一人死一人  
得復氣相灌注也疹注字異義同瘰者知饒切說  
文瘰腹脹與瘰同顏師古注急就篇注瘰四體強  
急難用屈申也古通用張左氏成十年傳晉侯將  
食張如廁呂氏春秋季春紀鬱處腹則為張為府

集韻引廣雅瘕瘕病也今無此文

痂音加瘕反步錄疥瘰反力瘕反丁世瘍音陽癰反四瘰反三到

癰音傷瘰反工決反又疥音疥瘰反普癰反馬嫁創反初良也

釋名創戕也戕毀體使傷也說文刀傷也或作創

玉篇瘡瘕也古作創痂者古瑕切說文痂疥也繫

傳作乾瘍也玉篇痂瘡疥也瘕者說文瘕中寒腫

穀漢書趙充國傳將軍士寒手足皸瘕文頽曰皸

圻裂也瘕寒創也疥者上文以疥為病此又析言

之以為創之病也瘕者先到切玉篇瘕疥瘕也瘕

者玉篇瘕牛頭瘕也瘍者說文瘍頭創也曲禮頭

有創則沐身有瘍則浴鄭注醫師職云身傷曰瘍  
癰者說文癰乾瘍也釋名癰徙也浸淫移徙處日  
廣也故青徐謂癰為徙也史記越世家吳有越腹  
心之疾齊與吳疥癰也索隱云疥癰音介是癰  
與癰同也癰者玉篇癰與癢同癰者弋廉切玉篇  
癰瘡也本此傷者說文人部義也癢者玉篇癢羊  
蹄間癢疾也𦞦者章忍切玉篇𦞦脣瘍也釋名𦞦  
展也癢搔之捷展起也瘡者玉篇瘡瘡也本此瘍  
者說文瘍蝕創玉篇瘍牛馬病又目病一曰惡氣  
著

樂音蜀壹弋也

說文一古文作弋樂者玉篇樂一也本此今通作  
來蜀者方言一蜀也南楚謂之蜀郭注蜀猶獨耳  
爾雅釋山獨者蜀郭注蜀亦孤獨壹者說文壹專  
壹也詩都人士民德歸壹鄭注壹者專也表記節  
以壹惠注壹獨為一士冠禮壹揖壹讓注古文壹  
皆作一是壹一字異音義同

高音高畜將牧穀頤諛陶畜旅充養也

說文養供養也古文作羗高者爾雅釋詁崇高也  
充也說文充高也下文充為養則高亦養也高者

說文畜獻也从高省曰象進孰物形今經典相承  
作享小雅天保吉蠲為饔是用孝享左氏成十二  
年傳享以訓叅儉宴以示慈惠庠者說文庠禮官  
養老夏曰校殷曰庠周曰序孟子滕文公篇庠者  
養也舊本庠譌痒今訂正將者小雅四牡不遑將  
父呂氏春秋季夏紀將之以神氣百節虞歡毛傳  
高注並云將養也墨子尚賢中篇內有以食飢息  
勞將養其萬民牧者方言牧飢也郭注謂牧飢牛  
馬也說文牧養牛人也小雅無羊云牧人乃夢穀  
者小雅小弁民莫不穀箋穀養也戰國策求百姓

之飢寒者收穀之頤陶者方言台陶養也晉衛燕  
魏曰台秦或曰陶郭注台猶頤也音怡台頤古通  
用案頤養已見爾雅釋詁此當從方言作台畜者  
釋名引孝經說孝畜也畜養也邶風日月畜我不  
卒楚詞大招孔雀盈園畜鸞皇只鄭箋王注並訓  
畜為養通作蓄晉語蓄力一紀可以遠矣韋昭注  
蓄養也旅未聞充者方言文地官充人注充猶肥  
也養繫牲而肥之

蘊崇委

反一偽

取反在遇

審韻

茨反材

咨

壘反勛

水

積反在茲

反私

反寢

反子鳩

殖操反目熟

初補反履

反又

穠

反丁禾

反又

貯積

反



子賜反又也  
子亦反

說文積聚也月令仲秋有司趣民收斂多積聚  
者方言文也說文蘊積也引春秋傳曰蘊利生樂  
崇者大雅鳧鷖福祿來崇傳崇重也廣韻崇聚也  
皆積之意也蘊崇二字經典亦連言之左氏隱六  
年傳災夷蘊崇之杜注崇聚也方言蘊崇也蘊  
義同委者地官道人掌邦之委積注委積者廩人  
倉人計九穀之數足國用以其餘共之少曰委多  
曰積公羊傳君子之為國也必有三年之委束哲  
補亡詩穡我王委充我民食廣韻委積也本此取

者說文門部義也。畚者方言文郭注。畚者會故有積案。畚通作穡。周書洪範土爰稼穡。王肅曰種之曰稼，歛之曰穡。小雅信南山曾孫之穡箋，歛稅曰畚。書正義穡惜也，言聚蓄之可惜也。古亦省作畚。石經魯詩殘碑不稼不畚，特牲饋食禮主人主鬻畚于房，注畚者農之成功，少年饋食禮宰夫以籩受畚，黍注收歛曰畚，字皆省。禾茨者說文茨以茅葺蓋屋，注小雅甫田如茨如梁，傳茨積也。墨者土之積也，說文墨軍壁也。張載七哀詩北邙何墨墨，積者禾之積也，說文稍積禾也。引詩曰稍之秩秩。

兮今周頌良耜作積之粟粟是積積同也寢者水  
之積也與浸通夏官職方揚州其浸五湖注浸可  
以為陂灌溉者莊子逍遙游大浸稽天殖者貨之  
積也列子揚朱篇原憲窶于魯子貢殖于衛原憲  
之窶損身子貢之殖累身操者蓄之積也說文操  
閱持也易繫詞傳操之以四以象四時柝者數之  
積也周頌豐年萬億及柝傳數萬至萬曰億數億  
至億曰柝孔疏云定本集注皆云數億至萬曰柝  
今按說文數億至萬曰柝則定本是也柝者玉篇  
槌小積也貯者直呂切說文貝部義也公羊僖三

年傳無貯粟漢書食貨志積貯者天下之大命通  
作者史記貨殖傳積著之理

愍惜弱恆九欺反又憮音武憮于紂反又欻年震愛也

大雅然民愛莫助之傳愛隱也箋愛惜也說文悉

惠也亡文作愍今經典相承作愛愍者說文云痛

也以痛為愛猶今人以疼我為愛我也愍者孫侍

御志祖曰徐北溟云曹子建贈丁儀詩注引惜愛

也此愍字即惜字之悞徐名鯤蕭山人弱者方言

弱愛也愛愛古字通用恆者方言亟愛也東齊海

岱之間曰亟自關而西秦晉之間凡相敬愛謂之

亟恆亟字異義同懽懽者方言懽懽愛也宋衛邠  
陶之間或曰懽或曰懽又云懽懽愛也韓鄭曰懽  
晉衛曰懽爾雅釋訓矜憐懽懽之也鄭注懽懽猶  
懽拍謂慰恤也懽懽撫掩字異義同款者說文款  
意有所欲也謝靈運還舊園作見顏范二中書詩  
曾是反昔園語往寔款然牟者方言文宋魯之間  
語通作懽王篇懽會愛也荀子榮辱篇懽然懽惟利  
飲食之見楊倞注懽懽愛欲之兒震者古與振通  
周南螽斯宜爾子孫振振兮傳振振仁厚也是震  
有仁愛之意故震亦為愛

悵音陵 慟 矜 悼 憐 意 韻 哀 也

釋名哀愛也愛乃思念也說文哀閔也方言悵慟  
矜悼憐哀也齊魯之間曰矜陳楚之間曰悼趙魏  
燕代之間曰悵自楚之北郊曰慟秦晉之間或曰  
矜或曰悼郭注悵亦憐耳按悵憐聲相轉矜矜古  
通用小雅鴻雁爰及矜人傳矜憐也曲禮七年曰  
悼注悼憐愛也嵇康養生論世皆知笑悼李善注  
悼哀也笑其不善養生而又哀其促齡也憐者又  
說文心部義也意者古隱字趙岐孟子注隱痛也  
痛即哀耳

龕岑資敎徒活采掇知力反活反又塞九反件摭之亦反毫報

反集概許既反初洽有撤扼烏反草摘陟反準府檻反力其

反力敢索反所白撈畔反音又橋反几消反又鮓賴擅反反加操

反力撈反么探反天含担莊反治反又收歛捕音反九及

有撤音挺丑延反又搯所反減鉛反他典拊反之必收擣舉

反掩窈畧剥勦初孝反又搯所反減鉛反他典拊反之必收擣舉

說文取捕取也史記魯仲連傳為人排難解紛而

無取也龕者法言重黎篇或問義帝初矯劉龕南

陽李軌曰劉高祖龕取也司馬光注龕與戡同沈

約安陸王碑龕世拯亂之情王儉褚淵碑龕亂寧

民之德索龕亂猶商書言取亂侮亡也李善注並引此文岑者疑當為泠集韻泠與霖同積柴水中以聚魚又作慘注云積柴水中以取魚資者小爾雅文易曰萬物資始釋文鄭注資取也孝經資于事父孟子居之安則資之深越語大夫種曰賈人夏則資皮冬則資絺早則資舟水則資車以待乏也孔趙韋並釋資為取斂者釋文斂彊取也引周書曰斂攘矯虔今呂刑作奪攘古字通采者說文采將取也周南采芣芣薄言采之傳采取也擬者說文擬拾取也芣芣薄言擬之傳擬拾也淮南說林



說兕虎在于侯隨侯之珠在于前弗及扱者先避  
患而後就利桓寬鹽鐵論感洪水身親其勞簪墮  
不扱挂冠不顧搯者楚詞九歌搯芙蓉兮木末王  
逸注搯手取也史記叔孫通傳故先言斬將搯旗  
之士索隱引方言南方取物為搯亦作撻方言撻  
取也南楚曰撻又作撻說文撻拔取也引楚詞朝  
撻批之木蘭今本離騷作搯爾雅釋言芼撻也孫  
炎曰皆擇菜郭璞曰拔取菜也撻者方言撻取也  
陳宋之間曰撻說文拓拾也或作撻禮器云有順  
而撻也孔疏撻猶拾取也法言問明篇撻我華而

不食我寔張衡思元賦擬若華而躊躇笔者周南  
關雎左右笔之傳笔擇也廣韻笔謂拔取菜也笔  
以蘋繁為羹集者廣韻集聚也聚與取義相成也  
概者字當作堅呂南標有梅頃筐堅之傳堅取也  
箋謂夏已晚頃筐取之于地玉篇引詩作概蓋俗  
寫以土著左遂論手旁耳扱者說文扱收也又云  
扱進足有所擲取也是扱扱同曲禮以箕自向而  
扱之注扱讀曰吸廣韻扱取也本此有者米官簿  
言有之傳有藏之也是有為取而藏之撤者通作  
徹幽風鵲鴉徹彼桑土傳徹剥也是撤為剥而取

之也抗者說文搗把也或作抗喪服傳苴經大搗  
左本在下注盈手曰搗搗扼也中人之扼圍九寸  
士喪禮經苴大搗注搗搗也中人之搗圍九寸是  
搗或省作搗搗者說文搗拓果樹實也一曰指近  
之也府者取而聚之也淮南說林過府而負手者  
希不有盜心玉篇府取也本此搗者與擘同說文  
擘撮持也玉篇擘手擘取也亦作攬離騷夕攬洲  
之宿莽王逸注攬采也洪興祖補注攬取也索者  
方言文自關而西語說文索入家投也通作索離  
騷瓊茅以筵蓐兮撈者方言文郭注謂鈎撈也撈

者說文橋舉手也自關以西凡取物之上者為橋  
捎舊本曹音二几字俱譌几今訂正蘇者素歌切  
說文蘇把取禾若也通作蘇離騷蘇糞壤以充幃  
兮王逸注蘇取也賴者方言文太元達次七達于  
砭割前止後賴據者方言據取也南楚之間凡取  
物溝泥中或謂之據釋名據义也五指俱往也據  
者張衡西京賦據鯢鮪殄水族薛綜注據殄言盡  
取之據者玉篇據手取物探者說文探遠取之也  
繫詞傳願索隱較梁隱元年傳已探先君之邪志  
列子天瑞篇手目所及無不探也案探取已見爾

雅釋詁此疑有誤也担者方言文南楚之間凡取  
物溝泥中謂之担說文担挹也讀若櫃黎之櫃收  
者小爾雅收歛也說文收捕也左氏襄二十七年  
傳何以恤我我其收之歛者說文歛收也捕者說  
文手部義也漢書灌夫傳遣吏分曹逐捕捕者說  
文搯撮取也張衡西京賦搯飛鼉薛綜注搯捎取  
之也李善音大結切汲者說文汲引水于井也廣  
韻汲取也本此有撒二字重出案此撒字有音而  
上文無音疑此處是而上文衍也挺者方言文楚  
部或謂之挺老子挺埴以為器挾者鄭風遵大路

摻執子之祛兮傳摻擘也銛者方言文郭注謂挑  
取物趙岐注孟子以言銛之云銛取也孫興音義  
丁云字書及諸書並無此銛字其字从金拊者玉  
篇拊音蒸又上聲橙拯同聲類云永古拊字明夷  
六二爻詞拊馬壯吉子夏傳拊取也王肅云拊拔  
也收重出摻者說文摻拾也方言摻取也郭注摻  
古据字魯語收摻而烝韋昭注摻拾也史記十二  
諸侯年表各往往据摻謂拾取之馮衍顯志賦据  
桓文之謫功掩者方言文自闕而東曰掩漢書貨  
殖傳又沈掘冢博掩犯奸成富顏師古注掩謂掩

襲取人物也通作揜說文揜自闕以東謂取曰揜  
司馬相如子虛賦揜翡翠上林賦揜焦朋竊者說  
父盜自中出曰竊尚書微子攘取神祇之犧牷牲  
畧者方言文于道曰略略強取也左氏成十二年  
傳略其武夫以為己腹心股肱爪牙杜注畧褻四  
年傳匠慶請木季孫曰略注不以道取曰略齊語  
犧牲不略則牛羊遂韋昭注略奪也剝者夏小正  
八月剝棗剝也者取也勦者曲禮毋勦說注勦猶  
擊也謂取人之說以為勦說舊本勦譌剝今訂正  
搯者方言文魯衛楊徐荆衡之間曰搯玉篇搯取

也。按者說文。捋引取也。謙象傳。君子以裒多益寡。鄭荀虞重蜀才並作捋。多益寡云。取也。裒字說文所無。石經作裒。裒从衣。从米。米與孚同故。或作捋。或作裒也。

瑞祿

音 彙

反大

歎反鳥嫁窮乎終備反皮惟極也

爾雅釋詁盡至也齊風南山曷又極止傳用釋詁

殫者困之極也大計天計一切玉篇殫極困也說

文作蕙壺也。緣者倦之壺也。方言瘵倦也。郭注今



江東呼極為殽外傳曰余病殽矣又云殽極也郭  
注江東呼極為殽倦聲之轉也案外傳者晉文語  
彼殽作喙通用字也韋注喙短氣兒玉篇殽困極  
也或作殽困者境之極也其字从木在口中困盡  
之象也慙者說文慙懣也通作殽郭注爾雅云今  
江東呼厭極為殽今監本爾雅作為殽誤唯永樂  
大典載陸佃爾雅新義所引郭注不誤殽殽者玉  
篇殽殽殽也殽喘也殽困極也舊本殽譌殽殽  
譌快今並訂正殽殽者玉篇殽殽欲死兒殽者說  
文殽殽也殽者上文訓為病此又為病之盡廣其

義以曉人也而者玉篇內僻也亢者高之極也乾  
上九亢龍有悔子夏傳亢極也文言傳亢龍有悔  
與時偕極惠棟曰蔡邕月令章句極者至而還之  
詞陽道窮剛反為弱即與時偕極之義也亢當音  
苦浪反曹音呼即反非也通作抗馬融長笛賦蓋  
滯抗絕李善注引子夏喪服傳抗極也疲者倦之  
極也說文疲勞也通作罷玉篇罷極也羸者瘠之  
極也說文羸瘦也券者勞之極也說文券勞也又  
云倦罷也攷工記輶人終日馳騁而不捷注故書  
捷或作券後鄭云券今倦字也論語居之無倦釋

文倦亦券後漢涼州刺史魏君碑施舍不券是券  
與倦同通作惓淮南人間訓是由病者已惓而索  
良醫也雖有扁鵲俞跗之巧猶不能生也仰疲之  
極也史記子虛賦微飢受屈集解飢音劇駟按郭  
璞曰飢疲極也言獸有倦遊者則微而取之索隱  
引司馬彪云飢倦也謂遯其倦者大昭案說文仰微  
仰受屈也即用相如賦文是仰飢字異義同通作  
仰說文仰勞也其虐切歛者廣韻啞不言也瘕同  
啞窮者說文穴部義也楚詞九歌橫四海以焉窮  
王逸注窮極也橫行四海安有窮極也乎者言之

極也說文乎語之餘也終者釋名終盡也備者困  
之極也說文備慙也或作痛莊子讓玉篇孔子窮  
于陳蔡之間七日不火食藜藿不糝顏色其慙列  
子周之尹氏有老役夫晝則呻吟即事夜則昏憊  
熟寐通作備遯象傳有疾備也鄭注備困也是備  
與備通

慙師慙噬反上世 慙反左焦 悴反才遂 愁反威桓 慎反丁連 惴  
拙瑞慙切 於聊反又 官反去官 官反音 忤反公拜 慙反婢典 辨反傷  
傷反 怕反 坎反 恩反 用反 慙反 牛反 親反 瞻反 丁反 念反 濟反 音反 怒反 泥反 歷反 溼反 音反 憂反  
也

說文息愁也經典相承作憂愁者痛之憂也說文  
愁痛也通作閔邶風柏舟觀閔既多傳閔也憂也  
又作憫玉篇憫憂也師者易雜卦傳比樂師憂惟  
者悲之憂也本書釋訓惟惟悲也噬者方言文也  
醺者說文醺面焦枯小也或作顛悴者說文心部  
義也方言悴傷也宋謂之瘁通作瘁文選注引倉  
頡篇瘁憂也醺悴二字古人亦連用之左氏傳引  
逸詩雖有姬姜無棄蕉萃楚詞漁文顏色憔悴王  
逸注肝微黑也說文顛顛顛也班固答賓戲朝為  
榮華夕為顛顛玉篇顛顛憂也醺顛蕉憔悴萃

顙並字異音義同愁者說文心部義也感者亦作  
憾說文憾憂也通作戚周書金縢未可以戚我先  
王鄭注戚憂也未可以憂怖我先王桓者方言文  
舊本桓為拍盧學士云拍者迫也訓憂亦可通慎  
者亦方言文宋衛或謂之慎怛者傷之憂也檜風  
匪風中心怛兮傳怛傷也方言怛痛也宋玉風賦  
中心慘怛通作旦衛風氓云信誓旦旦孔疏定本  
旦旦猶怛怛說文怛懣也或作忌引詩信誓忌忌  
爾雅釋訓晏晏旦旦悔爽忒也釋文本或作忌同  
惴者懼之憂也說文惴憂懼也秦風黃鳥惴惴其

慄慄者說文心部義也玉篇慄憂懣也惓者玉篇  
惓憂兒或作惓惓者說文心部義也彼作惓同惓  
惓憂無告也惓同上通作瘡爾雅釋訓瘡瘡病也  
小雅扶杜四牡瘡瘡傳瘡瘡罷兒罷病則可憂也  
忤者亦說文心部義也愁者亦說文心部義也辨  
者疑是曹音轉寫者譌為正文耳傷者亦說文心  
部義也惓者說文惓憂困也口感切恩者亂之憂  
也說文恩憂也左氏昭六年傳主不恩眉杜注恩  
患也患與憂同義愁者傷之憂也方言愁傷也楚  
穎之間謂之愁郭注引詩曰不愁遺一老亦恨傷

之言也。瞢者，方言文宋衛或曰濟瞢。郭注：瞢者，夏而不動也。濟者，亦方言文。陳楚或曰濟，怒者，方言愁傷也。汝謂之怒，說文：怒，憂也。通作惛。說文：惛，憂貌。讀與怒同。召南：汝墳，惛如調飢。韓詩作惛。溼者，方言文。陳楚或曰溼，自關而西，秦晉之間，凡志而不得欲而不獲，高而有墜，得而中亡，謂之溼。郭注：溼者，失意潛沮之名。

剖判，𠄎反。沃，𠄎反。𠄎，普秋反。又裂參離墳折反。亦斯折荼。

金剛，𠄎反。異剗，徒各反。布，𠄎反。又刻班分也。

說文：分別也。从八从刀。刀以分別物也。剖者，說文



剖判也左氏襄十四年傳與汝剖分而食之杜注  
中分為剖漢書高帝紀始剖符分封功臣曹參等  
為通侯顏師古注剖破也與其合符而分授之也  
判者說文刀部裁也玉篇判分散也周頌閔予小  
子繼猶判渙傳判分也𦔁者疑與𦔁通骨之分也  
說文𦔁治角也爾雅釋器象謂之𦔁角謂之𦔁𦔁  
𦔁與𦔁並聲相近𦔁者釋文𦔁破也集韻𦔁分也  
本此裂者繒之分也說文裂繒餘也淮南道應訓  
譬之猶廓革者也廓之大則大矣裂之道也參者  
方言文齊曰參王粲登樓賦夜參半而不寐分李

菩注引方言離者方言蠡分也楚曰蠡秦晉曰離  
墳者土之分也楚天問地方九則何以墳之王逸  
注墳分也謂九州之地凡有九品禹何以能分別  
之乎白虎通義三墳墳分也論三才之分天地人  
之始也析者木之分也說文析破木也一曰折也  
楚詞九章今五帝以析中兮王逸注析猶分也斯  
者方言斯離也齊陳曰斯陳風墓門斧以斯之傳  
斯析也大雅板云無獨斯畏箋斯離也按離析皆  
分也析者說文析斷也从斤斷艸篆文以手作折  
案斷即分也秦者方言秦算折也析竹謂之秦說

文案折竹筴也讀若繁案折當為析分之象也剛者說文剛分解也經典相承作別通作北說文外分也从重八孝經說曰故上下有外虞書分北三苗鄭江北猶別也蓋古文北从二人作𠂔別字重二八作外二字相似因誤作北虞翻奏鄭解尚書遺失事目乃云分北三苗北古別字鄭又訓北為別誠可怪也按說文𠂔部云外古文別許慎學于賈逵逵傳古文尚書鄭亦從逵故釋古今字同有何可怪異者說文異分也从𠂔从畀畀予也徐鍇曰將欲予物先分異之也禮曰賜君子小人不同

日劇者木之分也說文劇判也爾雅釋器木謂之  
劇郭注引左傳山有木工則劇之玉篇劇分也本  
此通作度魯頌閼宮是斷是度別者玉篇廣韻俱  
無此字疑斂之誤說文斂分也引周書曰乃惟孺  
子斂亦讀與彬同今本誥洛斂作頒布還切刻者  
玉篇刻割也班者說文班分瑞玉也屯上六乘馬  
班如惠棟曰馬將行其羣分乃長鳴故襄十八年  
春秋傳曰有班馬之聲班猶分別也舊本班訛班  
今訂正

陸計規敗屠徹破碎崩隕音頤阨大可反又阨直紙陟

達可殆廢莫知數壞也

說文壞敗也古文作𡗗籀文作𡗗爾雅釋詁壞毀也陸者城之壞也說文敗城阜曰陸篆文作𡗗春秋定十二年叔孫州仇帥師墮邱季孫斯仲孫何忌帥師墮費杜注墮毀也方言陸壞也俗作墮潘岳西征賦豈斯字之獨墮敗者說文敗毀也籀文作𡗗又云退數也引商書我興受其退是敗退同也屠者說文屠剝也漢書高祖紀今屠沛徹者小雅十月之交徹我墻屋楚詞天問何令徹此岐杜王逸注徹壞也破者石之壞也壞人之軍亦為破

說文破石碎也碎者散之壞也說文碎礧也又云  
瓶破也二字通用淮南泰族訓事碎難治也法煩  
難行也陳琳檄吳文大兵一放玉石俱碎崩者山  
之壞也說文岵山壞也古文作𡵓春秋僖十四年  
沙鹿崩穀梁傳高曰崩京房剝傳小人剝廬厥妖  
山崩復傳崩來元咎自上下者為崩厥應大山之  
石顛而下墮者說文墮下隊也宋玉高唐賦傾崎  
崖墮通作頽禮記泰山其頽乎玉篇墮墮下  
也墮者方言文說文墮小崩也漢書東方朔傳宗  
廟崩墮顏師古注墮頽也墮者即墮之異文太元銳

上九陵崢嶸峭阨測曰陵崢嶸峭銳極必崩也陟者說文陟落也張衡西京賦程功致巧期不阨陟玉篇陟壞也本此殆者方言怠壞也郭注謂壞落也殆怠字異義同廢者爛之壞也說文廢爛也楚詞招魂廢散而不可止些王逸注廢碎也通作糜孟子糜爛其民而戰之漢書賈山傳萬鈞之所壓無不糜滅者散者說文歡飛歡也

擄反直耕撞反直江缺音缺擗音擗衝音衝扭反女六音六強反大鴻音鴻擣音擣禱音禱公反祁反又反丁感音感築音築剗音剗尼反又抵音底松反邨音又自必反掙反楚耕鍼音針刺反七亦也

說文刺直傷也擣者玉篇擣刺也本此撞者說文  
撞凡擣也戰國策延則杖戟相撞張衡西京賦徒  
搏之所撞秘玉篇撞擊也擣撞皆从手舊本並訛  
从木今訂正缺者說文金部義也擣者陟利切說  
文擣刺也一曰刺之財至也舊本謬為桎梏之桎  
曹音知佚反亦誤今訂正刺者尺容切玉篇刺刺  
也本此紐者說文矛部義也又音玄久切𠂔者玉  
篇𠂔刺矛也擣者都浩切說文擣手推也一曰築  
也此篇擣築並訓刺小雅小弁我心憂傷惄焉如  
擣淮南脩務訓夫怯夫操利劍擊則不能斷刺則



不能入及至勇武攘捲一搏則摺脅傷軀舊本搏  
訛从木今訂正剗者說文剗劃傷也玉篇剗切刺  
也枕者食茱切方言枕推也說文枕深擊也築者  
說文築搏也搏為刺築亦刺也剗者集韻剗刺也  
本此抵批者方言文郭注皆矛戟之禮所以刺物  
者也又云批推也南楚凡相推搏為批掙者集韻  
掙刺也本此鍼者所以刺也職深切

則反耳志剗反古外剗元利反五丸剗尊本剗率反楚律剗村本切

殊絕制音佛剗反畧截慈頓剗批交反又剗祝斬剗楚

亂反又楚剗音彫剗反止粉剗在侯剗栗剗反批剗銛他照反

反顯反才彫

刑反苦  
罽反  
斷反  
拙反  
究

刈又刈士咸刈力涉刈二牛

反  
斷  
也

說文斷截也經典相承作斷釋名斷段也分為異  
段也則者耳之斷也說文則斷耳也鄭注呂刑與  
說文同割者說文刀部義也因九五剝則京房作  
剝割剝者說文剝剝也漢書韓信傳刻印剝忍不  
能予蘇林曰剝者剝角之剝與搏同手弄角能不  
忍授也剝者玉篇剝斷也本此剝者說文割剝也  
玉篇割截也左氏襄三十一年傳猶未能操刀而  
使割也剝者玉篇剝割斷也本此剝者說文剝切

也玉篇剗切斷也特牲饋食禮剗肺三切者骨之  
斷也說文切剗也玉篇切斷也本此爾雅釋器骨  
謂之切鄭司農周禮注云珠曰切殊者離之斷也  
左氏昭二十三年傳斷其後之木而弗殊制師過  
之乃推而屨之漢書骨肉之親蔡而不殊絕者絲  
之斷也說文絕斷絲也絀古文絕釋絕截也如割  
截也漢書路溫舒傳絀者不可復屬顏師古注絀  
古絕字剗者扶弗乎弗二切左氏昭二十六年傳  
苑子剗林雍斷其足劉向九歎執堂谿以剗蓬兮  
王逸注剗砍也斲者說文斲斬也周書斲朝涉之

脛爾雅釋器魚曰斲之樊光云斲斫也漢書張釋  
之傳用紵絮斲陳漆其間截者說文戈部義也刺  
者說文以為醫之或體體字文王世子篇其刑罪  
則纖刺亦告于甸人鄭注刺割也淮南脩務訓水  
斷龍舟陸剝犀甲文選注引字林剝截也剝者足  
之斷也說文刖絕也玉篇刖斷足也祝者周書泰  
誓祝降時喪公羊哀十四年傳子路死子曰天祝  
予穀梁哀十三年傳祝髮文身列子湯問篇南國  
之人祝髮而裸注家皆云祝斷也斬者說文斬截  
也斬法車裂也斲者玉篇斲斷也本此列者玉篇

剗斷取也剗者擅弓篇不至者剗其人史記張耳  
陳餘傳兩人相與為剗頸交荀子強國篇剗脫之  
砥厲則剗盤孟剗牛馬忽然耳玉篇作剗引廣雅  
剗斷也是本又作剗剗者玉篇剗斷也本此集韻  
剗徂侯切引字林云細斷也剗者玉篇剗斷也本  
此剗者說文剗斷齊也法言魯仲連傷而不剗蘭  
相如剗而不傷銛者字當為銛說文金部義也其  
字从昏古活切銛是鉞屬从古息廉切隸書昏不  
分故譌為銛曹氏不能是正輒音他點息廉二反  
失之矣剗者木之斷也玉篇剗剗獲也剗者玉篇

剗斷也本此斷者說文譬截也刈者草之斷也說  
文刈芟草也玉篇刈獲也離騷願嫉時乎吾將刈  
剗者說文刀部義也剗者玉篇剗減削也剗者鼻  
之斷也說文剗刑鼻也或作剗睽六三天且剗虞  
翻去割鼻為剗也

敏逞伺僂反士續趨反雷對儵音叔倮音叔僂反慈葉眇反天吊

躁反西帶躁反子到駛反山史儼音緇挑反大了搖反方于舞

勵去力御反又汨反于筆悠音叔一音忽起反公穴鬻反仕林

潛音說文跋反大月越反于月齊疾也

釋名疾截也有所越截也爾雅釋言疾壯也郭注

壯壯事謂速也敏者說文支部義也釋名敏閔也  
進叙無否滯之言也故汝穎言敏曰閔也大雅生  
民履帝武敏歆傳敏疾也孔安國注論語云敏者  
識之疾也逞者行之疾也方言逞疾也楚曰逞說  
文楚謂疾行為逞丑郢切伯者說文人部義也史  
記五帝本紀黃帝幼而伯齊集解伯疾齊速也言  
聖德幼而齊速也僂者左氏僖二十二年傳聲盛  
致志鼓僂可也注乘其陣未成列急攻之後漢書  
何進傳進驚馳從僂道歸營趨者行之疾也釋名  
疾行曰趨頓者玉篇引此文作穎从米儵者莊子

大宗師篇脩然而往脩然而來而已矣釋文脩本  
又作脩徐邈音叔向司馬彪云脩疾貌通作脩楚  
詞九歌儵而來兮忽而逝脩者說文足部義也通  
作脩說文脩走也讀若叔儵者與倢同說文倢倢  
也倢倢利也方言儵宋楚之間謂之倢郭注言倢  
倢也倢倢與疾義相成也通作捷離騷夫惟捷徑  
以窘步王逸注捷疾也又通作是說文是疾也眇  
者月之疾也土了切漢書五行志晦而月見西方  
謂之眇劉向以為眇者疾也君舒緩則臣驕慢故  
日行遲而月行疾也李善文選注引尚書五行傳



晦日而月見西方謂之朏朔而月見東方謂之側  
匿鄭注朏猶條達也條達行疾貌側匿猶縮縮行  
遲貌舊本朏訛从目今訂正曹音天弔反亦誤躁  
者走之疾也史記項羽本紀餘騎相蹂踐躁者說  
文作趨疾也趨躁古今字釋名躁燥也物燥乃動  
而飛揚也月令仲夏處必掩身毋躁注躁猶動也  
是躁為動之疾駛者玉篇駛疾也本此古通作𨔵  
說文𨔵列也讀若迅迅亦疾也𨔵者說文趨疾也  
𨔵趨字異義同齊風還云揖我謂我𨔵兮傳𨔵利  
也利與疾同義張衡南都賦𨔵才齊敏授爵傳觴

挑者與佻同土彫切方言佻疾也郭注謂輕疾也  
爾雅釋訓佻佻契契愈遐急也左思吳都賦僂佻  
坐並搖扇者方言文燕之外鄙朝鮮洌水之間曰  
搖扇拊舞者方言文郭注謂急疾也彼文舞作撫  
字異義同勦者廣韻勦疾也本此汨者去之疾也  
方言汨疾行也南楚之外曰汨郭注汨汨急流也  
枚乘離騷汨予若將不及兮王逸注汨去兒疾若  
水流也枚乘七發汨乘流而下降兮或不知其所  
止司馬相如上林賦汨乎混流揚雄甘泉賦涌醴  
汨以生川悠者玉篇悠疾也本此颺者風之疾也

說文颺疾風也通作忽離騷忽反顧以遊目兮王  
逸注忽疾也越者玉篇越走也通作決莊子逍遙  
遊篇吾決起而飛檣榆枋釋文引李頤云決疾兒  
驚者未聞曹音說文讀蒙岑案蒙當作若跖者說  
文跖輕也輕則疾義相因也玉篇跖走貌越者廣  
韻越走也齊者案齊疾已見爾雅釋詁此當作齊  
字之譌也說文齊炊舖疾也在詣切離騷反信讒  
而齊怒王逸注齊疾也 集韻引廣雅偈疾也邵  
傑切今無此文

腆

土典反

媼

烏檢反

又

酖

純列音

臙

子冉反

貼

大念反

膾

佳子

反膳代紺醋皇翼滑黨賁布魂反彼寄膚熹希琇音秀  
甘珍旨甜大嫌反蒸旨升反將英眩凱音娥媛音豔音珎音美也

說文美甘也从羊从大羊在六畜主給膳也美與善同意此通釋美之名也膳者膳之美也說文膳設膳膳多也郊特牲篇幣必誠詞無不腆媯者陳風澤陂碩大且儼釋文本又作暇矜莊貌韓詩作媯釋文引詩與韓詩同醕者酒之美也玉篇醕美也本此通作純離騷昔三后之純粹兮王逸注至美曰純曹音純舊本譌作紀今訂正娶者女之

美也玉篇嬰美也本此臘貼臘臠者皆味之美也  
玉篇臘初減切臘臉臘羹也貼徒兼切大羹也臘  
子含切暗臘煮魚肉臠食味美也集韻臉臘以豬  
腸屑椒芥醯鹽為之醢者胡之美也七稔切廣韻  
醢小甜集韻醢子朕切引廣雅醢美也是本又作  
醢皇者大之美也爾雅釋詁皇皇美也少儀祭祀  
之美齊齊皇皇鄭注皇讀如歸往之往單言之亦  
爲美離騷朕皇考曰伯庸王逸注皇美也翼者廣  
韻翼美也本此滑者利之美也內則調以滑甘說  
文滑利也黨者言之美也上文釋黨爲善是也賁

者飾之美也說文賁飾也王肅周易注賁有文飾  
黃白色謝莊宣貴妃誅脩詩賁道李善注引此文  
膚者小爾雅文幽風狼跋云公孫碩膚大雅文王  
殷士膚敏傳並云膚美也馬融注易噬膚云柔脆  
肥美曰膚法言淵騫篇張騫蘇武之奉使也執節  
沒身而不屈王命雖古之膚使其猶劣諸熹者鄭  
注樂記云訢讀為熹猶蒸也下文蒸為美故熹亦  
美也琇者石之美也衛風淇澳充耳琇瑩傳琇瑩  
美石也說文作琇云石之次玉者通作秀漢書賈  
誼傳河南守吳公聞其秀才召置門下秀才美才

也文選江淹雜體詩青松挺秀萼謝瞻荅靈運詩  
華宗誕吾秀李善注竝引廣雅秀美也是本或作  
秀甘者味之美也說文甘部義也釋文甘含也人  
所含也周書洪範稼穡作甘董子曰甘者中央之  
味也宋玉招魂此皆甘人王逸注甘美也言此物  
食人以為甘美珍者珍美已見爾雅釋詁此當作  
珍厚之美也古珍與腍通燕禮寡君有不腍之酒  
鄭注古文腍作珍邶風新臺蘧蒢不珍箋當作腍  
腍善也上文腍為美珍亦美也旨者甘之美說文  
旨部義也孔安國注論語云旨美也通作指周書

大誥率寧人有指疆土王莽假作旨顏師古訓為  
美也甜者說文甘部義也从甘从舌舌知甘者今  
俗作甜非是燕通作烝大雅文王有聲云文王烝  
哉釋文引韓詩烝美也將者貌之美也管子形勢  
解將將鴻鵠貌之美者也貌美故民歌之故曰鴻  
鵠將將維民歌之英者才之美也魏風汾沮如云  
美如英注萬人為英嵇康琴賦英聲發越采采粲  
粲李善注引此文暄者德之美也方言文郭注暄  
暄美德也娥者女之美也方言秦晉之間凡好而  
輕者謂之娥又云秦晉之間美貌謂之娥秦有嫫



娥之臺說文秦晉謂好曰姪娥列子楊朱篇鄉有  
處子之娥姣者媛者王春切鄘風君子偕老云邦  
之媛也傳美女爲媛箋媛者人所依倚以爲援助  
也說文媛美女也人所援也美女爲媛爾雅釋訓  
文艷者色之美方言文宋衛晉鄭之間語又云美  
色爲艷說文艷好而長也左氏桓元年傳目逆而  
送之曰美而艷宋玉招魂長髮曼鬋艷陸離吐王  
逸注艷好也珎者玉之美也方言文。陸士衡招  
隱詩注引秀美也集韻引臉美也徒念切今無此  
文

周儕等比倫匹臺敵離輩也

說文輩若軍發車百兩爲輩補妹切太元攤云位各殊輩回行九區孔衡薦稱衡表若衡等輩不可多得周者說文周比各訓密比旣爲輩周亦同之也儕者說文儕等輩也仕皆切左氏襄三十年傳吾儕小人列子黃帝篇今吾心無順逆者也則鳥獸之視吾猶其儕也等者說文等齊簡也从寺寺官曹之等平也比者論語竊比於我老彭揚雄解嘲五尺童子羞比晏嬰與夷吾倫者說文人部義也王逸九思哀我兮寡猶靡有兮齊倫匹者大雅



愧也秦晉之間凡愧而見上謂之赧郭注引小爾  
雅曰面赤愧曰赧說文赧面慙赤也趙注孟子云  
赧赧然面赤心不正之貌也作者心之慙說文心  
部義也論語其言之不怍馬融注怍慙也亦作恁  
太元上次五鳴鶴升自深澤階天不恁測曰鳴鶴  
不恁有諸中也通作作莊子讓王篇行脩于內者  
無位而不作慙者方言荆楊青徐之間曰慙若梁  
益秦晉之間言心內慙矣說文青徐謂慙曰慙左  
思魏都賦慙墨而謝劉逵注慙慙也矜者說文顏  
色矜矜是羞媿之貌矜來矜切眦者方言趙魏之

間自愧謂之恥郭注音密亦音祕晉者晉語臣得  
其志而使君瞽是犯也韋昭注瞽慙也莫鳳切慙  
者方言慙愧也晉或曰慙梁宋曰慙郭注慙亦慙  
貌也慙怩者亦作忸怩者語君忸怩顏韋注忸怩  
慙貌趙岐孟子注忸怩而慙感咨者亦作感咨方  
言忸怩慙跽也楚郢江湘之間謂之忸怩或謂之  
感咨慙者心之慙亦方言文也山之東西自愧曰  
慙小爾雅心慙曰慙漢書王莽傳敢爲激發之行  
處之不慙慙陸厥奉內兄希叔詩相如慙溫而麗  
李善注慙慙也亦作慙奴陸切玉篇引埤蒼慙慙

也說文作𢇛是𢇛𢇛同